




Chamna Aw

(A Monthly Organ of the Evangelical Synod Church)

Vol. XXX No. 9 December, 2015



2015 Kum thupi:
KRISTA ISU LUNGHIM NANGMAU ALE UM HEN

Phi. 2:5

Editor: Rev. Thangkhoiem

Chamna Aw

(Evangelical Monthly)
Regd. No. 64436/96
E-mail: 757c7@gmail.com

7a:

Alak man apat ₹

If undelivered pliz return to:
ECC SECRETARIAT,
Chiangkawnpang, Churachandpur,
Manipur - 795158

PIN



Published by Rev. Thangkhoiem on behalf of the Evangelical Synod Church
Printed at: THAWNSAU PRINTING WORKS, CENTRAL LAMKA.

CHAMNA AW PHUNGVUKNA DING	
1. Chief Patron	₹ 5000,00
2. Patron Member	₹ 4000,00
3. Diamond Member	₹ 3000,00
4. Gold Member	₹ 2000,00
5. Silver Member	₹ 1000,00

Chamna Aw

SUOHPAT KUM 1986

a sunga thu umte

- Editorial.....01
- Krismas 2015 leh Kumthak 2016.....04
- Ei u dinga pieng ahi06
- Lalpa thaunuh chung a khuttha kuo a thiemchang thei ding ...10
- Krismas mang dikte13
- Chungnung pen ah.....15
- Naosen puon a tuom, Gan an ... piekna kuong a kuol mun lau 18
- Kum zasagih masang in.....23
- Lau kin25
- The 10th Annual Conference Report Tripura Mission Field. 29
- Chamna Pathien vaihawmna.31
- Pathien thil piek (God's Gift).33
- Khuol buk ngak pa hileh chun bang na lawh die?35
- Chamna lal37
- Hukdampa Isu41
- Khristmas matna ziek44
- Tulai Kristien hinkhuo.....45
- Sapchuom siemphatna kum...48
- Lalpa Isu Krista khanggui49

EDITOR ANA HITE

- | | | |
|----|---------------------|-----------|
| 1. | Upa Lalkhagin | 1986 |
| 2. | Rev. Khaigin Gangte | 1987-2005 |
| 3. | Rev. Lamkhawst | 2006-2013 |

Vol. xxx No. 9
December, 2015

EDITORIAL BOARD

Chairman:
Upa Dr. L.S. Gangte, M.A. M.Phil.

Editor:
Rev. Thangkhoiem M.Div.

Asst. Editor:
Rev. K. Siemlien B.D.

Associate Editor:
Rev. Khaigin Gangte B.D.
Upa Paozalun B.A.
Rev. L. Sata B.Th.

Bible Study:
Rev. T. Kamgin Gangte M.Th.
Evan. Paukhomang B.D.

Contributing Editor:
Upa Th. Manggul B.A.
Rev. T. Kampu M.Th.
Rev. Henkhohlen M.B.S.
Pastor Khaitinthang B.Th.
Evan. L. Minthang B.Th.
Miss Chinboi MRE

Circulation Manager:
Mr. Paubik, Secy. SEB
Mr. Letkhokam, Cashier

- Kumkhat lakman Rs. 150/-
- Thusuoh nuom nei te'n ESC Office Post Box-54, Chiengkawnpang, Churachandpur a thak ding.
- Ala nuom leh a man pie nuom te'n circulation Manager, hetsak ding.
- Thukisuoh cheng hi ESC Ngaihndan ahi vek khel puoi. Article zikte'n a mawh a kipuok chiet ui.

CHAMNA AW PATRON MEMBER LIST

CHIEF PATRONS:

- | | | | |
|----|--------------------------|------------------|------|
| 1. | Pu S. Paukholal | Chief of Bunglon | 1994 |
| 2. | Ebenezer Chapel | D. Phailien | 2014 |
| 3. | ESC Shillong | Shillong | 2014 |
| 4. | Mr. S.K. Juliana | Lamphel | 2014 |
| 5. | Nk Sawmte K. Gangte | Fujairah,UAE | 2015 |
| 6. | Nk Esther Tinglamkim | Gangte Veng | 2015 |
| 7. | Pu Thangzago (K.Vawmcha) | Chiengkawnpang | 2015 |

PATRON MEMBERS:

- | | | | |
|-----|----------------------------|-------------------|------|
| 1. | Pu Henkhoham | Siempat | 1994 |
| 2. | Sep. L. Gangte | 5th Assam Regt. | 2003 |
| 3. | Dr. Lalzazdal | Chiengkawnpang | 2004 |
| 4. | Upa Niala | Shillong | 2004 |
| 5. | Pu P. Gangte | Shillong | 2004 |
| 6. | Pu B. Manga | Shillong | 2004 |
| 7. | Pu S.T. Gangte | Shillong | 2004 |
| 8. | Pu Lalkithang | Delhi | 2004 |
| 9. | Rev. Dr. Sosen | Dimapur | 2007 |
| 10. | Rev. T. Kampu | Guwahati | 2008 |
| 11. | Pi Phalneihthiem | Dehradun | 2008 |
| 12. | Pu B.K. Gangte | Dehradun | 2008 |
| 13. | (L) Hengo | Chief of Chongmun | 2010 |
| 14. | Upa Dr. L.S. Gangte | Chiengkawnpang | 2011 |
| 15. | Pi Niengzalam | Chiengkawnpang | 2011 |
| 16. | Pu Sangvung | Chiengkawnpang | 2011 |
| 17. | Pu S.K. Gangte | Shillong | 2011 |
| 18. | Pu Lovejoy | Kohima | 2013 |
| 19. | Pu Goginthang | Shillong | 2013 |
| 20. | Pu L. Minlun Gangte | Shillong | 2013 |
| 21. | Pi Lalkim | Shillong | 2013 |
| 22. | Hav. H.L. Gangte | Shillong | 2013 |
| 23. | Ms. Grace Lalbiek | Guwahati | 2013 |
| 24. | Pu L. Neihsiel | Shillong | 2013 |
| 25. | Pu Lamtinlien | Shillong | 2013 |
| 26. | Pu S. Thienlaljoy, SDO | H.Q. Veng | 2013 |
| 27. | Pu L. Sawia | Gangte Veng | 2013 |
| 28. | (L) Lt. Col. L. Gangte | Chiengkawnpang | 2013 |
| 29. | (L) Upa K. Manga Gangte | Shillong | 2013 |
| 30. | Rev.Dr. Th. Lamboi Vaiphei | Hill Town | 2015 |
| 31. | Pu K. Pauboi Gangte | Chiengkawnpang | 2015 |

DIAMOND MEMBER:

- | | | | |
|----|---------------|----------------|------|
| 1. | Upa Lamkhodem | Chiengkawnpang | 2015 |
| 2. | Mrs Felli | Chiengkawnpang | 2015 |

GOLD MEMBER:

- | | | | |
|----|------------------|-----------|------|
| 1. | Pi Niengneihchoi | New Delhi | 2014 |
|----|------------------|-----------|------|

SILVER MEMBER:

- | | | | |
|----|-------------------------|-----------------------|------|
| 1. | Pi Sailothangi Thangzom | Old Lambulane, Imphal | 2014 |
| 2. | Antioch High School | Abicharan Tripura | 2014 |
| 3. | Upa Thanglal | Bijang | 2015 |
| 4. | Upa Laltinthang | Gangpimuol | 2015 |

PRAY FOR
K.LAITUI, KKP GOLDEN JUBILEE
(1965-2015)

- o Amun : K.Laitui, Sadar-Hills
- o Ahun : 18th – 20th December, 2015
- o Theme : “Ahatnau lathak un au” (Isa. 40:31)

SPEAKERS:

1. Rev. Thangkhosiem
Director, Evangelical Synod Church, ESC.
2. Evan. Paukhomang Gangte
Secretary, CKKP, ESC.
3. Rev. Khaigin Gangte
Former, Executive Secretary, ESC.
4. Mrs. Kholnu Gangte w/o (L) B.Pasen
Pioner Missionary to K.Laitui.

INVITED ARTIST :

1. Evan. L.L.Muona, International Singer, CCPur.
2. Miss. Hoihneihchong, K.Laitui.

Dedicating Minister to Jubilee Stone:

Pr. T.Doukap
Superintendent, Phaibiel District, ESC.

C O M E O N E – C O M E A L L



Amasapen in, Chamna Aw simtute cheng cheng khawvel Hukdampa Lalpa Isu Krista min in kilainatna chibai ka hunbuk hi. Kum 2015 hun sunga, Lungkhamna, buoina, Thihna leh natna chuom chuom tamtak zieka suknata I umnau leh buoina I tuokteu akipat, Damna neitu Lal Isu'n hun sudam in, Kristmas leh Kumthak i bawn ua ding in vangsakna thak hung hi chiet hen. Hun luia ei panpih a Hunthak a kinepna ei pietu Lalpa Pathien puihna zala lampithak muchiet thei dingin Lalpa'n Kristmas leh Kum thak 2016 vangsakhen.

Lalpa gamletna dinga Pauchamtute, Sawmakhat piete, Neksik piete, Missionary Fund hun piete leh Chamna Aw phungvukna dinga hung pangte cheng cheng, Lalpa Pathien in aleh tamtakin hun vangsak chiet hen. Pathien gama dinga I pankhawmnateu ziekin, lamchuom chuom a ESC Sapchuom nasepna achieh hawih zela, Pathien vangsakna tamtak I muhteuh leh a puihna ziekin kipahthu gen zel hitiu. Hun chiehsa a Lalpa dinga I pankhawmnateu athawn in aum puoa, Lalpa'n a vangsak ahi. Hun hungtung zela Lalpa'n vangsakna ei piekte a lopina dinga a tamzaw sem pie'n, theihtawpsuohin **LALPA LEH A GAMA DING IN SEM HITIU.**

Kristmas hun hih Chamna leh Muonna, chun Kumthak taksa leh thagau a dinga Vangsakna thak hung hi dingin sapchuomte deihsakna chibai ka hun buk hi.

LAL KRISTA A PIENGTAI (Luke 2:6-7)

Zie thu hih khawvel in a ngaklah mah mah, mihing chanchin theng lamdangtu chu ahi. Mihing ahung kisiem, Adam um akipat zie zan pawimawh tak hi ngaka um ana hi tai. Thiemgaute cheng cheng, Enok hun apata Baptist Johan tieng geia, lungheina thugen a ana kikote'n, zie Isu hung pienna ding zan hih ana genlawk tau a, ana ngaklah mah mah tau ui. Hun sawtaka kipata ana kigen **“Thu chuh phehvevo ahung suoka I lak u ah aum ta a”** (Johan 1:14) zie hi mihingte suthiengtho dinga hung ahi.

KRISTMAS KIPAHUM:- Kristmas hi hun chiehsa a lungkhamna, dahna leh haksatna chuom chuom I tuokteu haw akipata kinepna thak ei pietu ding chu ahi. Zie huna hung pieng Krista ngei hi Pathien lemguot chu ahi. Pathien lemguot dan chun; Nitak lam auma, zing lam aum hi. Thimna aum masa a, chun vak ahung um hi, Lungkhamna aum a, chun kipahna aum hi; Deihna aum masa a, chun a guitunna aum hi. Lal Isu Krista chu hun masa a thilluite sangtha ding, Dahna haw kipahna suohsak ding, Lei lui ta chu Leithak hihsak ding, Van masa chu Van thak (New heaven). Gitlohna zieka kinepna neilote a dinga gitloh ngaihdamna hun tunsak dinga hung pieng ahi.

Kristmas chu guolnawp dang haw tawh kibanglo, hun lamdang bik chu ahi. Kristiente a dinga, Lal Isu Krista pienna hi kipahna lopipen ahi. Mahleh Krista helote leh neilote a dinga thil lungkham um tak chuh ahi.

(1) HETPHAKLOH LEH PANPIH BEI NAUSEN IN A PIENG HI:- Bangmah hihtheilo, Kross a zawtlai in nuihsan leh engbawlina a tuok a; Herod leh Pilate in a dawtnau le dawngthuk loin, Nang leh kei zieka bangmah hih theilo guola hung khawsa ahi

(Isai 53:17). Ei mau a um gitlohna puokgik cheng cheng ngakna dinga hung pieng ahi. Nang leh kei a dinga hung kipumpiek ahihdan gel thak ding ahi. Khawvela dinga semte chuh a hatlo leh a thuok ahi zel hi. Nang leh kei zieka hatlo leh thuok ahi.

(2) MUN-LE-MUOL CHENNA DING BEI A HUNG PIENG AHI:- Khawvel ahin amah a dingin mun aum puoi. (Matt. 8:20). A thih in kivuihna ding Than a nei puoi. Khawvel milopite chun mun-le-muol tamtak a nei ui. Mahleh Lal Isu chu, Nang leh ke'n mun I neih theihna dingin mun neilo in a hung um hi.

(3) THIM-NUOI AH A HUNG PIENG HI:- Khawvel Vak (Isu) chu thim lak ah ahung pieng a, Khawvel thimna chu salhvak dinga hung pieng ahi. Zie khawvel a kipata lakmang a hiha A thihni hin Khawvel pumpi ah thimna ahung um kit hi.

(4) Ahung pien hin Gankuonga siel in aum a , A thihni hin Thing Kross chung ah ketden in aum hi. Ahung pienna leh a thihna et in haksatna ngen in a dim hi. Zie khawvel hi thiengtho chennataka a umna dinga kisinsakna school chu ahi. Mahleh Lal Isu tello in bangmah abukimlo ahi.

Amin dingin Isu na sak ding ahi. Amah chuh milien hung hintin, chungnungpen pa chapa tin au. Lalpa Pathien in akawmah a suonpau David chutphah chuh pientin, Jakob suonte chung ah kumkhuotuong in lal intin, a gam in tawpni nei ta puona, atia. Chun, Mari'n Vansawlchak kawm a chun, zie haw chuh bangtin ahi thei die, nungak thiengtho ka hi ngala ?” atia. Vansawlchak chun adawnga, a kawmah, “Thagau Thiengtho na chungah hungtung intin, Pathien thilhih theihna chuh na chung ah um intin, zieziekchun,, nau thiengtho hung pieng ding chule Pathien chapa

tinau. Isai 9:6 “Ei uh dingin naupang ahung pienga, chapa piekin I um tau a! Vaihawmna chuh a liengko ah um intin; amin chuh “Mak, Lemguottu, Pathien hat, Kumsawtpa, Chamna Lal cha” tih hiding ahi ngala.

Luke 2:10 Himahleh Vansawlchak chun akawm u ah “Lau kiu inla, ngai un, mitin a dingin chanchinpha kipakum mah mah ka hun puoksak na hui hi. Tuni hin nang u adingin David khawpi ah Hukdampa chuh apieng tai, Lal Krista chuh!”

Lalpan a simte cheng vangsak ta hen.



**THUTHUN/KHANGGUI
SAWNG NIHNA-ABRAHAM
APAT DAVID :**

Abraham in Isak ahinga; Isak in Jakob ahinga; Jakob in Juda leh a suohpihte ahinga; Juda in Tamar tawh Perez leh Jera ahinga; Perez in Edom ahinga; Edom in Aram ahinga; Aram in Amidabad ahinga; Amidabad in Nahson ahinga; Nahson in Salmon ahinga; Salmon in Rahab tawh Boaz ahinga; Boaz in Ruth tawh Obed ahinga; Obed in Jessai ahinga; Jessai in Leng David ahing hi.

**THUTHUN/KHANGGUI
SAWNG THUMNA –
BABULON SUOKA PUIHMA
LEH PUIHLAI :**

David in Uria zi apat in Solomon ahinga; Solomon in Rehoboam ahinga; Rehoboam in Abizah ahinga; Abizah in Asa ahinga; Asa in Jehoshaphat a hinga; Jehoshaphat in Joram a hinga; Joram in Uzia a hinga; Uzia in Jotham ahinga; Jotham in Ahaz ahinga; Ahaz in Hezekia a hinga; Hezekia in Manasi ahinga; Manasi in Amon ahinga; Amon

in Josia ahinga; Babulon suok a puihlai vel in Josia in Jekonia leh a suohpihte ahing hi.

**THUTHUN/KHANGGUI
SAWNG LINA – BABULON
SUOKA PUIH NUNG:**

Jekonia in Salathiel ahinga; Salathiel in Jerubabel ahinga; Jerubabel in Abiud ahinga; Abiud in Eleakim ahinga; Eleakim in Azor ahinga; Azor in Sadok ahinga; Sadok in Akim ahinga; Akim in Eliud ahinga; Eliud in Eleazar ahinga; Eleazar in Mathan ahinga; Mathan in Jakob ahinga; Jakob in Joseph Mari Pasal chuh ahinga; zie Mari sunga hin Isu Krista, Hukdampa chuh ahung pieng hi.

Luke 1:26-27, 30-31, 35 : Chun a thagupna chun Vansawlchak Gabriel chuh Galili gama khuo khat Nazareth kiti achun nungak thiengtho khat kawmah a sawl a. amah chuh Leng David suona mikhat, Joseph kiti tawh kihuol lai ahiu a, zie nungak min chuh Mari ahi. Vansawlchak chun a kawmah, “Mari lau kin, Pathien deihchuom na hi. Ngai ah, gai in na tin chapa hun nei inla.

**(5) GANHING NIH KIKAL AH
AHUNG PIENG HI:-** Isu chu Gan In a ahung pien lai hin Bawng leh Sabiltung tawh a umkhawm ui tih ahi. A hun tawpna lam ah gucha leh suomang nih kikala a a hat nunungpen tawpsak ahi kit hi.

**BANG ZIEKA GANKUONG A
HUNG PIENG**

(1) A kingaihniemna etsakna’n Gankuongah hung pieng ahi.

(2) Bang zieka gan ankuong a siel aum ahi? Amah chuh mi chagahte Leng ding ahihna etsakna ahi.

(3) Gan ankuonga siela um in a etsak dang chuh- Milopi leh lalte sama hung hilo in mi kingainiemte sama hung ahihna suklatna ahi. Lalchutphah a hung chu hileh Amah naih ding chu lauhum hiding ahia, niemtaka kawih a a umna hi laulo hiela a kawm I zawt theihna ding ua hung kikawihniem ahi zawi.

(4) Khuolbuk mai hilo in mundang haw a Isu’n mun a neihlohna haw

chuh:-

- i. **Khawvel thil kigenna mun ah Isu’n mun neilo.**
- ii. **Sumdawnna mun (exchange) ah Isu’n mun neilo.**
- iii. **Khawvel thiem zilna mun ah Isu’n mun neilo.**
- iv. **Ho-In tamtaka le Isu’n mun neilo; Vaihawmtute’n mun luoh lien taluo.**

ISU A DINGIN MUN NA NEI EM?

Isu a dinga mun na neih a, na awt chun, Khawvel in nang ah mun neilo ding ahi. Tukum 2015 Kristmas leh Kumthak I matnau ahin, Eimau lunggil khawvel thil in aluoh dimsa haw cheng le phiet thieng a Isu a dinga mun awt chiet ding in Lalpa’n ei panpih chiet hen. Gimthei leh liengvaite dinga Chamna Leng in ei mau chiet ah thuneihna chang in, Chamna leh Muonna bukim ei pie chiet ta hen.



Kristmas 2015 leh Kumthak 2016

Rev. T. Kampu
Asia Antioch Seminary
Guwahati



June “Buoihnapi” 1997 hetngilh ahi tam tiha I lunggel lai un, August 2015 “Buoihna” thim zing nuoi ah CCpur mite I um kit tau hi. Malai Israel chate, thihna thim nuoi chu ten vakna lopi tak, ngak lah taka aum bang un ei CCpur mite le I um kittau hi. Mahleh kinepna I nei nalai ui. Kristmas, Chamna Lal a pien tak ziek in. Kumle hungthak pai ding ahi, Thil lui cheng cheng hung bei intin, nutsieh hung hi ding ahi.

Chamna Lal:

Chamna bul leh chamna tin cheng nak/source hi Isu ahi. Pathien melma I hih zing lai un, Lal Isu chun Pathien tawh kichamna asiem tai, Halelujah. Gitlohna cheng cheng ngaihdam ahieh ziek in, Chamna leh lungmuonna piek ahi tai. Zie chamna neite, experience te chauh in, kichamna chanchinpha hi nun muhthei, tatmuh thei chauh ahiu hi.

Pathien tawh na kicham tam? Chamna siem dingin hatna leh chitna Lalpa'n ei pie chiet ta hen.

Ngaihdamna Aw:

Lei leh van a “aw/voice” ngaih nawp um pen chu, “gitloh ngaih damna aw” ahi. (Luke 7:48,50; 23:34) Zie “aw” chuh za thei

dingin Pathien in tukum Kristmas hi vangsak taken. Kristmas hi gitloh ngaihdamna tel loin, aum zie um lo kei ahi; Amin chu Isu sak hintin, Ama'n a mite chuh a gitlohnau apat hukdam ding ahi ngala. Zie Pathien ngaihdamna changte'n midangte ngaihdam zawhna a nei hi. Kol. 3:13

Hun leh Kumsawt:

Thugenpa 3:11 achun, Pathien in mihing lunggil achun “kumsawt” A kawihdan muh ahi. “kumsawt” kiti hi lunghel um, lungthim khawih um pen; lauhum leh tizat um khat ahi.

Pathien hi kumsawt Pathien. Pathien thu hi kumsawt a um. Pathien deihlam hih te chu kumsawt a um ding ahi, I John

LALPA ISU KRISTA THUTHUN/
KHANGGUI

Evan. (Retd) Lamzagin.

Lalpa Isu Krista hung pienna khanggui/thuthun hi I phatchuompil/I hetchet diek ka nawp ziekin, anuoia thu haw hi vak en hi tiu. Mi khendan le hilo maithei, Thuthun/Khanggui sawng 1 apat 4 chan in vak khen hi tiu:

Bible changtel :

Johan 1:1-3 : A tungin thu a um a, thu chuh Pathien kawmah aum, thu chuh Pathien ahi. Amah chuh a tungin Pathien kawmah aum hi. Thil cheng cheng abawn in amah siem ahi. Thil kisiem cheng hi amah siemloh bangmah aum puoi.

Thuphuon 1:8 : “Kei abul leh atawp chuh ka hi” Lalpa Pathien, a umlaitak leh umsapa leh hung um kit dingpa, bangakai hihtheipa chun ati ahi.

Sam 90:1-2 : Lalpa nang chuh suon cheng cheng chana ka umnau na hi a, tangte a pienma a leichung khawvel na phuhdawk man le kumsawt apat kumsawt chan inle

nang chuh Pathien na hi.

**THUTHUN/KHANGGUI
SAWNG KHATNA – ADAM
APAT ABRAHAM :**

Pathien in Adam asiem a, Adam in Seth ahing a; Seth in Enos ahing a; Enos in Mahalel ahing a; Mahalel in Enok ahing a; Enok in Mathusel ahing a; Mathusel in Lamek ahing a; Lamek in Noah ahing a; Noah in Shem ahing a; Shem in Arphasad ahing a; Arphasad in Shelad ahing a; Shelad in Eber ahing a; Eber in Peleg ahing a; Peleg in Reu ahing a; Reu in Serug ahing a; Serug in Nahor ahing a; Nahor in Tera ahing a; Tera'n Abraham, Nahor leh Haran ahing hi.

SAPCHUOM SIEMPHATNA KUM 2016 HILEH GAHSUOH LO DING AHIM?

- Kaizomlal, M.Div.

I Sapchuom hawu hi ka et tiengleh, Sapchuom Upa, Pastor, Local tina Church Committee, Mission Workerte'n Sapchuom siemphatna dinga a mawhpuoknau hi alien mah mah mai hi. Zie ding chun Lalpa apat chitna leh lemguot thiemna hi apawimawh mah mah mai a, ei pilna mai a puih theih ahi puoi. I Belamteu hin I umdan, I bawldanteu hi ei copy vek ahih ziekun, I Sapchuom etkawlau ahin ettawn theih dinga I um uh a pawimawh mah mah mai hi. Mi cheng hi abukim zo puo a, mahleh danglamna'n na I sem thei ui. I Bible ua, I Kor.14:3 naa I muh bangun, Pathien thugen ahi a, siemphatna thu bang, kitilna thu haw ahih Sapchuomte hi kisuhattuoh dinga ei sap ahi. Lalpa sapchuom I umna chiet u ah, mahni Local Sapchuom chiet ah bangti'n Sapchuom khantoh theihna ding leh gahpha zaw aum theihna dingin pan I lau em? Kingaihtuoh thak chiet hitiu.

Zie anuoia thu haw apat hin bang lunggel I nei um, ana gel detdet tiem u.

1. Sapchuom lawiupate'n mahni local Sapchuom a Chairman/Secretary te tawh kihetmatna leh kilainatna (relation), kizawpmatna dettak neih zel ding.
2. Sapchuoma Mission Worker, lawiupate'n I belamteu tilkhohna leh deihsakna suklat zel ding.
3. Kumtawp cheng a mahni biela Khawmpi neih cheng leh Workerte nasempha, limbawlina (Memento/Puon) piekna kinei sek leh a hatlote a dingin hatna kalbi (step) lakna leh kisiemphatna'n ahun nei kha mawh ding u!
4. Sapchuom umna cheng ah Chairman/Secretary kitup taka Sapchuom ana enkawl a, sawmakhat, Office a regular taka ana pie haw hile limbawlina kipie zel leh, midangte ading inle kitawsawtna hilo ding ahim?

Lalpa'n kum 2016 hi Sapchuomte ading in vangsak in phunguik ta hen.

2:17. Hun kipei in ei pui zel tak ngei nai. Hun hin huoilam ah ahim ei puih? Mithiemte'n, vannuoi a thil um cheng cheng hi, mallam zuona hun chenga kitawl ahiu atiu a, a ginchak um in a pawm tak hi. Pathien vaihawmna Lal chuhphah lam zuon hitei ding ahi. Gingtute leh ginglotute'n zie "hun" umzie hi he a, ching thei taka um ding a chiel leh hetsak I hui hi.

"Hun" time hi Pathien thilpiekte laka alul pen tihagen theih ahi. Hun leh hinna hih khentheih loha gentheih ahi. Micheng cheng hun kiguol taka piek I hui hi. Gam leh nam changkangte him him I et chun, hun mangthiem, hun mangdik te ahiu hi. Sum matdik sangin hun mat dik hi pawimawh zaw a gen theih ahi a, chun, haksa

zaw le ahi. Tu kumthak 2016 pumpi mangthiem leh mangdik thei dingin Lalpa'n chitna leh theihna'n ei tuom chiet taken. Sam. 90:12. Thagau adim mi chu hun matthiem, phat kizenpetcha kichawkte ahiu hi, Eph. 5:16. Kristmas mangdikte chun Kumthak le mang dik ngei dingin kinepna lientak anei ui.

Tu chung leh tukum August-buoihna thimnuoi a um, anai leh agamla a umte cheng chung ah, Chamna Lal nasepna lopi tak mai hung um taken. Damlai kawlni atum ding kuon ahi ta a, Lalpa'n hihding, sepding ei piekte phataka sep zawh ahih theihna dingin Lalpa Thagau Thiengtho tuomna leh umpihna I chung u ah um zing taken.



Kristmas leh Kumthak 2016 Chibai

Tukum Kristmas leh Kumthak 2016 hih Pathien thagau thiengtho pawlna leh vangsakna, mimal, insung, sapchuom leh gamsung pumpi a changa, lawktaka mangngei dingin deihsakna sangtak ka hun pieu hi.

- Chamna Aw Editorial Board



EI U DINGA PIENG AH



Evan. V. Lienthuom

Tuni hin nanguh dingin David khawpi ah Hukdampa chuh a pieng tai, Lal Krista chuh! (Luke 2:11)

Chamna Aw simtute cheng cheng amasa'n thokit Lal Krista minin CHIBAI ka hun buk hi. December tha I vak naih deuh leh I lungthim I ngaihtuohnateu hung kithengin Bethlehem lam ngaihna'n ei hun tuomvel sek hi. "Aw Bethlehem tang chungah, Kumsawt kawlnino asuok aw gen viel hitiu. Kuole zie hinna vak chu pakbang lawpa pawm ta'n; Albang dah, luonthi nulna thuok talo ding. Pu Suakliana hin kum tamtak ana chieh ta khan zie thu hi thagau a hetsakna ana chan ziekin a saka sak thawh dingin ahun siem a, Kristmas ahung naih deuh tieng vang leh nang leh kei ei phawnghalh leh ei suhat thaktu le ahung hii. Hun leh kumte chieh zelin, damsung lamsuk-lamto I hawh zel lai in, hunbite hung kithengin, I ngaihtuohnateu le zie guol chun ahung kitheng zel sek hi. Zie dungzui chun Chamna Leng pienna khuo Bethlehem lam galdawt kawmin 'Kristmas ni ahung tun tieng, Bethlehem ka ngai' tithei kit ta dinga ei puitungtu Lalpa min lopi chuh pahchak in um hen.

Kum tamtak Kristmas ana mang ta tampi I um dinguh ginchak aum hi. I Kristmas matna haw ahin ei mah lamah bang tawbang kithenna, phatchuomna leh thagau lam kipahna ei tunsek hi tih kingaihtuoh kawma tuchung Kristmas hi I mat dingun I kideihsak un, I kichiel ui. I masang naichah ale Lalpa'n damin Kristmas ei puihtung kit in a tih kinemin, zie tieng hileh Pathien phatdan leh ei lungsiet dan haw I muhdawk uh a lungthim kihawng tak a I na kigin masak dinguh a deihum hi. Kicham theilote kichamna leh kingaidam theilote kingaihdamna leh kituok theilote kituokna huna I mat chiet theihna dingun Kristmas athawna tamtak vei I na mat tak nungun tuchung vang Krista a chamna um khah nanga le ahung hih a Kristmas mang dik na hung hih dingin Lal Krista min in I kichiel ui.

Krista muchiente ding hin Kristmas mat hile nuom diek ding

➤ *Matthai 24:36-40, (38) Tui let ma chun, Noah kuong a a lut ni gei khan a ne'n a chau a, zi leh pasal in a kinei u a; (39) Himahlele, tui a hung let a, a bawn uh a a tawh mang masieh chun bangmah a he puou. Mihiem Chapa hung kitna ding chule khutibangmah chuh hi'n a.*

hun nunung ahi tai, huntawp ding ahi tai tih helo ihi puou hi. Noah hunlai a tehik maksalo in eihaw hile amak lo ihi puou hi. Khawvel a nawpsakna hawl a tai dup dup lak ahin, Thagau gam thil in tai meng meng hitiu. Dan leh kawt naki khak man khana.

NB:- Tuni a naki khawp lawh pen bang ahi? Bang thagau ahim? nachan/nakikhawp lawh pen?

Zehun lai amite hih tuilet ding helo ahi puou a, maksa mai thei ding I hiu. Tuhun hin le ei hawnle



27th September, 2015 ni'n Guwahati Evangelical Synod Church puh dawk eitai. Amun Miss Hatbawi Quarter ah

adang dang haihsan lou. Camp aki chaih leh camp a tellou bang mai. Gul Kristien aki tam ta luo ta ahi. (*Pawlam chauh kitheng, asunglam ki theng lou*)

3. Khaugui Kristien: Khaugui kiti chuh I het chiet sauin vak kawih hiting un. Bang tieng alien, bang tieng a sau hilele aki ngak nading thing ahim? thil danga ki ngaloo amah mai a ding mawh kei khat ahi. Pathien thugen incheng deuh I sapchuom ah ahung a, aum sung cheng amah achu ki nga, ding zou chiet. Biekin zuon zung zung mai, a chieh kit tieng leh amah chauha Biek-In tung zou umtalou. I insunga upate, Pastor te leh ana hat zou zaw deuh ten ei hung kikhawppih theih lai chauh uh a kipak, ahung vang deuh uleh amau insung chauh ding zolou. Amimal hinkhuo a min apahchak lai chauh uh kikhawm peih apahchak louh tieng uleh kikhawp haihsan zieng .Achanga ding zolou.

4. Malzin Kristien : Malzin thugen ding in cheng deuh/zahum deuh ahung phat leh amasapena sapchuoma lawi upate gen masak pen chuh, atam thei chin kikhawp ding, aziék bang, zete sapchuom chuh ahatnau e? ei tih ding uh deih man/deihna ziek. Malzin um a kikhawp tawh sapchuom a

election hi chuh I lawp thei veu maw? ze tawguol hin malzin um louh pet lele lawp leng, malzin aum leh khutbeng, khutzak, apaucham angeih a ngeih. Malzim aum loh phat leh khut beng talo, khutzak talo. Paucham gingam talo. *Thankik Kristien, Gul Kristien, Khaugui Kristien, Malzin Kristien,* ki ngaihtuoh thak kit hitiu ie!

Ze cheng lak ahieh na tel khak chun kisiem thak na ding hun atam tapuoi, kinawh deuh mai in. Tuni a I het thakkit ua I het ngilh loh ding uleh I hinpilh ding ua pha kasak mah mah mai chuh:

➤ (*Hebrai 13:8*) **Isu Krista chuh thangni, tuni leh kumkhuotuong in a ngêi ngêi ahi zing ngâl a.** zie Bible chang hih phatak in vak gel tie achung a point li (4) te apata hih nasuoh chak ka gingcha ahi.

➤ Chuleh mihausapa leh Lazarus chanchin *Luke 16:30, Mineizopa chun a dâwng a, ‘Hepa Abraham, hilo e! mithi lak apat tho kit ngêi chieh u henla hi leh, lunghei un au.’ a ti a.* Chang 31, *Mineizopa chun a dâwng a, ‘Hepa Abraham, hilo e! mithi lak apat tho kit ngêi chieh u henla hi leh, lunghei un au.’ a ti a.* Tulai Kristien te hin le van apat hung kum in hung gen lele aki zui khel die aw?

ahi. Belamchingte apat hin Kristmas matdân diktak vak zil hitiu. Belamchingte umdân hih I et leh lungkhawih a um mah mah zieng ziekin zie chuh nang umdân le hileh tih deihsakna ziekin vak ensuk zuol zuol hitiu. Luke 2:15 na achun, “Tuhin, Bethlehem khuo tiengin chieh hi tingun, Lalpa’n thu ei hilh hungtung chuh en hitiu, a kitui a. Tichun, a chieh mengmeng uh a, Mari leh Joseph chu tawh, gan anpiekna kuonga nausen kuol chu tawh ava muu a.”

BELAMPUTE CHUH A CHIEH MENGMENG UI:

Achunga I na muh tâk ban-gun belamchingte chu nausen Isu munuom in a chieh mengmeng uh a awlcha cha a chieh hileu lamkâl haw a a thil tuokteu, a mit uh a a muhteuh leh bila a zakteu chun a lungthim uh lamang man ding ahi. A kawm uh a vansawlchakte’n a gen uh leh a muhchet tinten ziekun thildanga kisukbuoi khâk ding lau in a tai mengmeng uh a, muh le ava mu ngei ui. Tuni hin Amah kawm I tuntheih lohna dinguh a subuoitu ding hile I kisiem kawm malam sek uh hizaw lo maw!

Isu muding hin I kisazo vak thei taluou a, a chieh ding lam kinawhna neilo hielin khawvela ettheih chin I et malam tieng uleh

muhloh ding tampi I muu a, zakloh ding tampi I za man sek uh a, sawt taktak I thâm den mai ta sek uh a Bethlehem I tungzo ta sek puou hi. Thagau lam kipahna leh malsawmna muman lo in Kristmas I mang zo mai mai ta sek ui. Thagau an leh tui duh a kuon in thagau a gilkiel leh dangchak mah in I kilehkit zaw ta sek uh a akhawk ngei ie!

BELAMCHINGTE CHUN A MU CHIEN UI:

Vansawlchakte thugen a zâk mai uh hi lo in, a mit ngei uh a ava muh u chuh a genthang tau hi. (Luke 2:17) Zietaka ngaihtuoh dinga pha mahmah chuh vansawlchakte thugen a zâk zâk un a mawk gen zieng puou a, adikna a mit ngei uh a a muhchet phetun a genthang pan chauh ui. Hetding leh tiemteh theih khat chuh thil mawngmawng I zak chauh a kingak sangin I muhchet uh I gen tieng u leh mite lunggil a vit zaw deuh sek hi. Muhchet loh tampi I gen sek ziek uhin kuoma’n I thugente ane thei ta puou hi tih hetngilh loh apha.

Mi’n Krista amah a ahi tih a muhchet tiengleh thuokna haw hile hamphatna ahidhan a mudawk zawu hi. Kristmas I mat cheng leh Mari, Joseph, Isu, Belamchingte, Herod, Kaiser leh Michingte haw chanchin thusim gena gen thawh

mai hin kuomah a siempha zo tapuoi. Ziesang chun I muhchet tak takte gen zaw leng I Kristmas mat uh hi mite'n a phatchuom pih thei zaw dingum tih haw ngaihtuohin a thugen dingte diek diek hi I hindân uh kikhuol kawma pan lak takzet angai hi. Gêntheih mana gen mai hin chuh kuomah lung a sukha zo lo chuh ahi phawt mai tai.

BELAMCHINGTE CHUH KIPAK TAK A LA SA KAWMIN A VAIKIT TAU HI:

Hilh a aum dungzui uh a nausen puona tuom gan an piekna kuonga kuol a mitngei uh a ava muh ziekun Pathien pakcha kawma lasa'n a vaikit tau hi tih I muu hi. A zâk mai a kingate chuh a kipak tak tak thei puou a, Lalpa a dinga kipat dawh hile ahung haksâ sek hi.

Aw! Suohpih deihtak, Pathien lungsietna vanga Kristmas kum 20/ 30/ 40/ 50/ 60/ 70/ 80 vei hiel ana mangta le na hi maithei hi. Ahinla Krista chanchin leh na chung a thilpha bawlte mi gen leh na zakna chauh a kinga a nanging kichientak a mukhalo na hih chun chuh belamchingte bangin kipahna tak tak chan malakin Kristmas boruok a kichaih tawh kitawna kichai mai ding na hi. Zie chuh hilo in lungthim kihawngin Bethlehem lam hun zuon leh chun nausen Isu mel deihum hun muchien in na tin,

Simeon guolin "Lalpa tuhin, na thu guol zelin na suok hi lungmuong takin chiehsak ding na hia! Na hukdamna mitin muha na siem khah ka mit in a mu ta ie! hun tithei ta'n na tin, na Kristmas matdan hung dik ta ding ahi.

BELAMCHINGTE'N A BELAM-TEU A TAIHSAN UI:

Belamchingte'n vansawlichakte thugen chuh ginlahna neilo hiel in a pawm uh a, nausen Isu muhding utchakna neiin a belam chin uh, a nekmuhna pen u chuh taihsan ngam hielin a pang ui. Tuchung hin bang taihsan ding in na kisa? Belamchingte nausen endinga a pawtkal un gamsate'n a belam uh ana ne ta leh a puteu in bang a lawh ta phet dingum maw! Zie haw chuh a ngaihtuoh puou hi, ngaihtuoh malakin Chamna Leng hung pieng chibai buk ding chun ahung kuon ta mai ui.

"Khutikhaleh" tihna lunggel mawng mawng a nei hiel puou a 'hung tiem u chieh hitiu' ti'n akipan dawh ua, Isu umna lam a zuon ui. Zie tawbang mite hi ahi sek ui Kristmas diktak leh phachuomtak a mangte chuh.

KRISTMAS BANGTI I MAT SEK EM!

Kum chenga Kristmas I mat tieng uleh anuomthei pen, ahawi-

TULAI KRISTIEN HINKHUO

L.L.Thuoma, Shillong.

Amasan hunpha damna ei behlap saka, muhkhak loh tha ei pui tunga, muh ngeiloh sun leh zan ei muh saka, matkhak loh dakkal eimat sak tu Pa Pathien min pahchak in um hen. Tuni hin (*Chamna Aw*) muonum tak leh kinep pih umtak pansan a Sermon lopi tak tak ban ah amun a khuo a pulpit (*Sermon*) changphalou tenle Chamna Aw tunphak na cheng a sermon bawl theih na hun lemchang tak ei pietu Chamna Aw Editorial Board te chung leh Pathien kawm ah kipah thu ka gen kit hi. Chuleh Kristien hinkhuo a dinga pulpit (*Sermon*) hih kalbi/tawhchak pawimawh penle ahikhel puoi tih hih kahe chien a, adik ngei ka gingcha ahi. Aziek chuh kumkhat sung hin pulpit Sermon hih khat vei le aki chang zo mang puoh naa, Pathien zal in Bible sim, paucham, kikhawp leh adang dang that dahnan aki nei chuom in ka he puoi. Zeziek chun Kristien hinkhuo a dinga pawimawh pen chuh pulpit (*Sermon*) hih ahi puoi. Pulpit a Sermon dinga conductor dei sakna na chanlouh ziekin thasie mai kin, mitampi ten ahilouh hiel piu gena, kigen awk zo ahi tau hi tih hengilh kin. Tulai Kristien hinkhuo chili(4) vak en vak hitiu.

1. Thankik Kristien : Dah phut, kipak phut, mikhenkhat chung a apha apha, midang chung a asiet a sie, khen chuom nei, nikhat leh aum dan 5 vei/6 vei lam theng zo leh adang dang bawlthei.

2. Gul Kristien : Gul chuh avun a hung kilip a ahil leh vak etdan leh I vak muh dan in a-et mawi a, akilawm mah mah mai ahi. Ahil ziekin angaih tuohna leh agu chuh aki bang zing hi. Gul chuh bawngnoi bang zat dawnasak leh chunle, ahun a tuna ahil leh hun chu thou thou ding ahi. A gu kibang zing ding ahi tih hih hetchet apha. Tulai in I biel sung uah, tha cheng a I bawl loh chauh ua kibak camp kiti cheng hih kum tung in I hel pawl zieng ua, camp umkit kala gul vunkilip guola I pienthak maa I um dan cheng, I bawl nawp cheng, I haih san cheng, camp umkit chan daihlou. Gul Kristien, I mi gensiet nawpna, I mi dem nawpna leh

KRISTMAS MATNA ZIEK BANG PEN AHI?



Rev. Thangkhoiem

1. Kristmas mat lawhna ziek pen chuh mi cheng kipahsakna ding ahi. Isu Krista chu ei uh kipah theihna ding Thilpiek lulpen ahinna ahung piei. Eihuh a ding a Pathien a kipata vangsakna hung tuntu chu ahi.
2. Mi cheng akipah theihna ding chuh, Aphapen I piek chun asukipak hi. Tuchung Kristmas hin mi khatbek Krista zal in akipahna ding hihsak hi tiu.
3. Mite thil thawnpiek I piek tieng pieka umte kipah chauh hiloin apiete le kipahna ei piei. Lalpa a I kipah theihna ding in midangte piek ngai ahi.
4. Khawsak Michingte chun, Sanna, Begaw leh Mura haw pien Isu nausen chu hoin chibai a buk ui.
5. Pathien in Achapa changkhat neihsun Thilpiek lulpen Ei piekna ni chu Kristmas hi ahi. Amah ei piek kipahpihna, Kristmas I mang ui.
6. Kristmas hun hin Pathien chu bang na pie thuk die? Pathien in na kipahna thilpiek chu angak zing hi.
7. Kum 2015 Kristmas hin Pathien a ding in bangna pie thuk die? Mi khat bek Pathien minin kipahna thilthawnpiek na pie thei dem?

Aphapen Isu pien:- Thilpiek kiti chu aneu taluo aum puo a; a lien taluo le aum diek puoi. Thusim khat a chun “Hoin khat ahin naupang neu cha chagahtak hi aum a, Maicham masanga thilpiek ding sum anei him him pouoa, mahleh thilpiek a pie nuom mah mah a, a neih sun apple (Theigah) khat apie mai tai. Pastor pa chun thilpiek haw chu ahun lakdawk chun apple chu Sana Thieng (pure gold) ana hi tai. Lungthim leh tihtak zeta thilpiek chu neu mah leh Pa, Pathien mitmuh ah Sanna thieng (pure gold) lultak ahi tih he chiet hi tiu.



hthei pena mat ding hih sapchuom tin in a thiltup u chuh ahi sek hi. A Kristmas zieng hi chuh nuom mahleh thagau lam hi dangchak leh gilkiel in anguitha zengzung mai tai. Bangziek ahi ta dem I tih leh thah ding pen I thah loh ziekuh ahi pen sek hi. Nahum 1:11 na ah hitihin ana gen hi, “Nang apat in mikhat, Lalpa kalh a thil gilo ngaihtuoh, Lalpa ngei phielgu a um hi” ana tii. Zie a a gen hih I mihinglui uh gitlohna ngaihtuoh zing zing sek hi I thah phawta a thih loh chun Krista ah thamuonna leh kipahna tak tak umthei lo ding ahi. Zie chuh tuchung Kristmas a hi na thah poh poh chun Krista chuh na lunggil ah hung piengthak kit thei chauh ding ahi.

Zieziekchun, bang sa na that ding u? Kuo tawh na mang khawm die? Khawitak ah na mang die? Bangti na kichei die? tih lam sangin nang kithat inla, Krista tawh mang khawm inla, Krista kawmah mang inla hileh chun Krista hawihna a chei in um in na tin, mite’n na nungchang ah Krista lopina haw hun muleu Kristmas mang fuh pen hung hi ding na hi. Kumdanga Kristmas haw akhan chuh Vawk leh Bawng ana that a taksa vahna ding maia ana mang hita mahleh chun tuchung hin chuh nang ngei kithat inla, Krista tawh mangkhawm inla, A hukdamna puon silh in Isu tel-

theihna mun ah mang in. Khuti chu hileh vang “ Ei u ding in naupang a hung pienga, Chapa piek in I um tau a! Vaihawmna chuh a liengko ah um intin; A min chuh Mak, Lemguottu, Pathien Hat, Kumsawt Pa, Chamna Lal Cha,” tih chuh nangah sukdik hung hi ta’n a.

THUTAWPNA:

Aw! Suohpih deihtak, nang migilo, hukdam a na um theihna dinga hung pieng Lal Isu hih na Lal leh Hukdampa ding in kipawm maita ta maw!!! Krista lo ngal lungsiettu tak tak khawvel ahi umlo ei ve! Pastor Thangngur in “Nawpna hawl in a vak ui sang tamtak, mulo in than thim sungah a liem ui” ana tii. Zie khawvel a I it leh I thaklah mah mah haw hi ei ve gawtmun ei tuntu hiding chuh! Tuni hin Isu ngei le kingainiem in Bethlehem bawng in tawm ah nang leh kei ei muhtheihna dinga ahung pien bang hin a kawm zuon meng in, ‘Isu tuni hin ka lungguk In tawm sungah, hung pieng thak kit in nang ka kumsawt Lal ding in’ vak ti ngei ngei leh chun mi vangpha pen chuh himai ding na hi.

Nausen deihum ka lunggil ah hung pieng kit hen, chun thehnem in hui ing ka, ka kumsawt Lal ding in na tih chun kumsawt in chamna nangah hung leng ta’n tin Amin thiengtho na pahchakna chun

daihni nei talo ding ahi. Mari thupukna siem chuh,” Ngaitie! Lalpa suoknu ka hi, na thu guol zelin ka chungah hungtung hen” a tih a a kipiekthâkna zâl khan khawvel hukdampa pienna nu ahung hi thei hi. Lalpa’n a nuoia dawtna hi nang a hun dawt hitaleh bangti’n na dâwng ta die, Amah a thupukna siem nailo na hih chun. Kum zie chanpi hih (blank ahin na min ziklut ah) Kristmas ka hun na matsak ta a, na Hukdampa leh na Lal dinga nei deih diekloh leh 2016 hun muhsak dah mai tang ka aw! ti ta bangleh I kipak na dem?

Aw! Suohpih deihtak! Kum tamtak Kristmas, Krista beia na namat le ahita maithei hi himahleh tuchung vâng malsawmna I muhtheihna tei tei dinga Bethlehem khuo tung zo ngei ngei dinga pan I lakthak theihna dingun simtute cheng cheng Lalpa’n ei malsawm chiet tau hen.



LALPA THAUNUH CHUNGA KHUTTHA KUO A THIEMCHANG THEI DING?

(1 Sam 26:9)



Rev. K. Siemlien

Amasa’n Pathien sathaunuh, Thiempu (Pastor, Upa, Sawlchak, Thiemgau) tih minpute haw hih Pathien guot leh teldawkte ahiu hi, kiti leh kigen khiel puo’n a.

Masanglai in Lalpa’n, a mite tawh kizawpmatna, Thiempu leh Thiemgaute mangin a siem a; Israel chaten lampi dik hawh a, a chiekhelhel lohna ding uleh ahung lamzan theihna dinguh lampi a siemsak hi. Tulai in vang mitin in gitloh ngaihdamna I channa ding uleh vangsakna, lamzanna I chan theihna dinguh eimau mimal chiet mawhpuokna ahi tai. Thilsukhiel panpih ngaiten le Thiempu puon-ak Krista thisan behna manga ngaihdam ngeta hithei ahi tai.

20na Chun, belamchingte chun, vânsâwlchâk hih guol ngeia bangakai a muh-uh a, a het ziekun, Pathien pakcha kawma lasa’n a vaikit tau hi. Belam chingte hin Pathien thupiek he chien nuom in Bethlehem a Nausen pieng Hukdampa muding in achieh meng meng ui. Hukdampa Nausen amit ngei un ava muu a, Pathien pakcha kawm in lasa’n avai kit tau hi. Hukdampa, mit a muh leh Athupiek zuih hi kipahna ahi. Lalpa deihdan le ahi, Kristmas mang diktak chuh ahiu hi.

Chun anihna ding in, Suohlam michingte Chanchinpha **Matthai 2:10,12** na achun: *Tichun, aksi chuh a muh un a kipâk mah mah tau a. Chun, In sung ah a va lut u a, a nu Mari kawma nausen chuh a muu a, a bawkkhup u a, a chibai tau a. Tichun, a go bawmteu a hawng u a, a kawm achun kipahna sanate, begaw leh Murra te a pieu a. Herod kawma kikkik lo dinga a mang u a hilha a um ziekun, lam chuom ah, amau haw khuo lam ah a chieh tau a.* Michingten Hukdampa Nausen chuh amit ngei in amuu a, thilpiek kipahman in apieu a, kipaktak in *Lamlui* a chieh talo in lamthak ah achieh tau hi. Hukdampa, mit ngei a muten, hindan lui cheng nusieh in hindan thak in a hingtau hi. Hukdampa, mit a mu leh Athupiek

zuih hi Lalpa deihdan ahi. Kristmas mang diktakte chuh ahiu hi.

Chuleh, athum na ding in, Thiempu Simeon chibai bukna Chanchinpha **Luke 2:28,32** na vak en kit hitiu. *Simeon chun a khut in a na pawm a, Pathien kawmah kipahthu a gen a, “Lalpa tuhin, na thu guol zelin, Na suok hi lungmuong takin chieh sak ding na hi a! Na hukdamna, mitin muh a na siem khah, Ka mit in a mu ta ie: Jentel te salhvak ding vak leh, Na mi Israel te lopina ding chuh!” a ti a.* Thiempu Simeon hinle Lalpa Thagau hetsak in, Hukdampa hungpieng chuh namuh man thi puonla ti a hetsak a aum bang in. Amit ngei in Hukdampa amuh tak ziek in thamuong tak in athi thei tai. Lalpa Hukdampa muh leh A thupiek zuih hi Kristmas mang diktak chuh ahiu hi.

Belam chingte, Suohlam Michingte leh Thiempu Simeon in khawvel Hukdampa Nausen hung pieng chu amit ngei ua mu a, Pathien thupiek a zawp chiet bang un, ei unle tukum Kristmas apat hin thagau mit ngei a Krista mu’n Pathien thupiek I zawp dik uchun Kristmas mang dik hitai tiu.

Simtute cheng I bawn un Kristmas **“Thagau”** leh **“Thutak”** a mang ta ding in iki chiel ui.



a tuom a, khuolbúk a chuh amau dinga mun a um loh ziekin, gankuong achun a siel ta a.

Johan 3:16, Pathien in khawvel a hehpih mah mah ziekin, a Chapa changkhat neih sun a pie a, amah chuh kuole a gingcha taphawt chuh a manthai loh u a, kumkhuo a hinna a neih zawk nâng un.

1 Johan 4:19, Zie taka hin Pathien in a hehpihna chuh I chungu ah a hun sulang tai, amah vanga I hin theihna dinguh a, a Chapa neihsun khawvel a a hun sawl ahin.

Awle, Isu Krista hung pien dan I Bible a pat in kichien tak in I mutau a. Jacob apat a isut zieng inle Isu Krista hungpien hi a chien tawk mah mah mai hi. Jacob in a zi deihtak mai Rachel a vuih namun hi tua David khawpi Bethlehem hi ana hi. Bethlehem hi Isu Krista pien na chuh ahi, khawneu cha ana himahleh, zawlnei **Mika 5:2** Himahleh, Aw nang Bethlehem Ephrathah, Juda gamsung a khawpi te laka neupen na hi a, himahlele, nang apat in Israel te vaihawm ding tungdawck ing ka, a phunggui malai pek apat a sût a um ngêi chuh tin ana gen hi. Van mite'n tuni hin nang ua ding in David Khawpi ah hukdampa chuh apieng tai Lal Krista chuh ! tin a hung gen ui.

Awle, Isu Krista hi ei uh hukdam dinga ahung pien hi chien

takin imu tau a, ihe tau hi. Bangtin nang in hukdampa Isu Krista hi na ngaihtuoh hi. Malai a mite'n ana lawp/chibai dan uh hi vak en hitiu.

Bible a Kristmas mangte:

Kristmas hi Krista annkuong tihna ahi. A umzie chu Pathien thu annkuong umkhawm tihna hid-ing ahi. Ei hawn sa nekkhawm hi I thupi ngaihzawu abang ta a. Krista tello, asa mai a annkuong imat khak mai ding uhi alauh um zaw tai.

I Bible hi vak en hitiu bangtin ana gen em? Chuleh bangtin eina sinsak em? Amasapen in Belammpu te hi vak en hitiu. Chanchinpha **Luke 2:10**, “Himahleh, vânsâwlchâk chun a kawm u ah, “Lau kiu inla, ngaiun, mitin a dinga Chanchin Pha kipahum mah mah ka hun puoksak na hui hi! Tunu hin nanguh dingin David khawpi ah Hukdampa chuh a pieng tai, Lal Krista chuh! Chun, ziehi nang u dingin melchikna ding ahi; nausen puona tuom, gan-an piekna kuong a kuol mu'n lau!” a ti a.

15na Chun, tihhi ahi a, vânsâwlchâk chun van lama a taihsan kit phet chun, belamchingte chun, “Tuhin, Bethlehem khuo tiengin. chieh hi tingun, Lalpa'n thu ei hilh hungtung chu en hitiu,” a kituu a. Tichun, a chieh mengmeng uh a, Mari leh Joseph chu tawh, gan-an piekna kuong a nausen kuol chu tawh a va muu a.

Tulai in, Lalpa'n Sapchuomte kipawlkhawmnaa, Vaihawm ding, Puitu ding leh enkawl ding ei pie a, ziete chuh **Pastor**- Biel sung leh Sapchuom pumpi enkawl ding, **Upa**-Local a Vaihawm ding leh enkawltu ding, **Evangelist**- Biel sung pumpi a chanchinpha gen ding, **Office ah**-Department chuom chuom enkawl ding, a **Biel ah**- Committee chuom chuom, **Local ah**- LCC leh adang dang, mipite mangin ei pie sek hi. Rome 13. Vaihawmte Pathien guot ahiu hi. Thiltup kichien tak nei a, nasemtu dinga a guot leh teldawkte ahiu hi. Chapona ding vang ei puoi.

David in Pathien sathau nuh dinmun a muhdan vak en hitiu: Leng Saul in David hinna lak ding guo'n, hun lemchang hawl in delhviel viel mahleh, a that thei puoh a; zie malak chun David in Leng Saul thah theihna ding hun lemchang, nihvei kitup tak a mui. Mahleh David in hun lemchang a chan chuh, Pathien lemguot leh a sathau nuh chungu sukkhelhna'n a mang puoh a, a lemchang tawpkhawk ale Pathien deihdan a masatsak nalai hi.

David in Leng ahung hih ding a he a, hun lemchang a muh peta a vak tawih guihi mai loh a, Pathien sathau nuh chungu kidek zo taka a um hih Pathien thu ahi. Hun lemchang nihvei a muh khah

mangkhiel in, Saul that leh mihiemte ngaihdan ahi a, a thah loh a, Pathien khuta a ngakna hih Pathien deihdan leh a lungthim ahi. David in a sepaih muonumte thugen leh, hun lemchang a muh chuh, Pathien masanga sukkhelhna'n a mang mai puoi. Pil tak in a tawhi hi.

Saul thah theihna hun lemchang akhatveina: En-gedi gamthip ah, kawlhawma belam huong mun ah Saul leh a mite a ihmud lai un, agukcha'n Saul puonmawng a attha a, a taihsan tai. Mahleh David chu a lungkham a, “Lalpa sathau nuh, ka pu chungu zie thil ka na hih hi a kilawm mawh na e,” ti'n pha a sakloh thu a gen hi. I Sam. 24:1ff.

Saul thah theihna hun lemchang anihveina: David sepaih, Abishai in, “Tuni hin Pathien in na melma chu na khuta ahun piekdawck ahi tai, zieziekchun, tiengcha'n tuol hi tawh khatvei kilh in, ka kilh den zieng aw? Nihvei vei sut ngai puo'n a,” a ti a; David in, “Sumangthai kih, Lalpa thaunuh chungu khuttha kuo a thiemchang thei ding,” a ti a. (I Sam.26:1ff).

Ei unle Pathien sathaunhte hih zah deuh hitiu. A thiemlo ding, a mawl ding mawng, a chagah ding mawng, a hatlo ding mawng, a genthei lo ding mawng kawih in, a gen phawt uh hilo sa zieng puoi tiu.

Mawl in, chagah leule amau enlo in, Pathien guot leh nasem ahihnau lam en in, musit taluo puoi tiu. Dan leh sukhiel khai tiu! Pathien lemguot musit, kuomah a liekvah um dieklo ding ahi. Nangin apha zaw he ten leh chin le. A chung ua vaihawmtu ding nang hilo, Pathien ahi. Paucham sak inla, atheih chin in panpih in.

David chanchin apat, hun lemchang Lalpa'n ei piek, matkhelh theih ahidhan ei muhsak a, hun lemchang mang dik thiem a, Lalpa

thaunuhte chung a chingthei taka tawi ding leh amau kithuohpih a, iplah tawk lengle, Pathien thaunuh ahieh uh geldawk zinga, a sukkelh ua, hetthiem haksa tuntun dinmun a, a chung ua I lungnat pen hun leh alemchang tawpkhawk pen huna le mahni deihdan sanga, Pathien deihdan masat zel thei dingin Lalpa'n ei pui zel hen.

“Ka sathau nuhte chuh sukha kiu inla, ka Thiemgaute chu suna kiu in,” ti'n. (Sam 105:15)



KRISTMAS MANG DIKTE

Rev. S. Gangte, Hq. Veng

1. Belampute – Kristmas Krista tawh kimuh tuohna (Pienthakna). Belampute hi belam naran chingte a hi puou a, temple belam gamla tak a kipan a kithawi dinga hung, belam hun kaih khawk khawkgai lo a, temple belam hun sen, mitam tak aum uh ahi. Baptist Johan in , “En tiem u, Pathien Belamno, vannuoi gitloh la mang pa khuh! (Johan 1:29) ti'n Isu mite kawmah genlatna anei hi. zie temple a kithawih na ding belam khah Isu, I gitloh na ziek ua, kithawihna ana etsak ahieh ziek in vansawlchakte khan amasapen a zie belam chingte kha ahilh masak uh ahi. Zielo chun amau hi dinmun niem, sabath ni, nithupi deuh cheng le chang thei lo, Messiah a kinem ahieh ziek ule ahi, hilh masak ahieh na ziek uchuh.

Belam chingte bang in ei hawn le I chapo nau nusieh in Kristmas hun hi hukdam na hawl nan mang hi tiu, khuti leh Kristmas mang dik pen hi ding I hui hi. Amau kamsuok “va chieh hi ting uh va en hitiu” ‘en’ tih hi

HUKDAMPA ISU KRISTA PIEN DAN



Evan(Rtd) Lamzagin, Santing.

Isai 11:1, Jessai bulsum chuh hung sel dawk intin, a zung apat abakkhat hungsel dawk ina.

Thihsambul 35:19, Tichun Rachel chuh athi a, Ephrath lampi a chun a vui a, Ephratha tu a Bethlehem kiti hi ahi.

Thihsambul 48:7, Zie hih na nu Rachel zieka ka hin ahi. Ka lungkham na ding dingin, Mesopotamia gama pata ka vaihkit lai in Ephrath apat a gamla lo chah Kanaan gam achun ei thihsan ta a. Ephrath zawtna lamlien pang achun ka vui tai,” a ti a. (Ephrath chuh tu a Bethlehem kiti hi ahi).

Ephrath hi Jacob Kannan gam a zin viel viel lai a, azi deihtakmai kum 14 hiel a pu Laban belam chinga alawh Rachel chuh ahi. Rachel hi Joseph leh Benzamin nu ahi. Benzamin hih apien zawh a hi a nu'n athih san ahi. Benzamin umzie hi lungkhamna cha tihna ahi. Jacob hin a zi deihtak mai hi Kannan gam Ephratha mun ah avui hi. tu nitieng hin Rachel than a suong kiphut a um zing hi. zie mun chuh Bethlehem kiti mun hi ahi.

Mika 5:2, Himahleh, Aw nang Bethlehem Ephrathah, Juda gam-sung a khawpi te laka neupen na hi a, himahlele, nang apat in Israel te vaihawm ding tungdawk ing ka, a phunggui malai pek apat a sut a um ngêi chuh.

Isai 9:6, Ei u dingin naupang a hung pieng a, Chapa piek in I um tau a! Vaihawmna chuh a liengko ah um intin; Amin chuh “Mak, Lemguottu, Pathien Hat, Kumsawt Pa, Chamna Lal Cha,” tih hi ding ahi ngâla.

Isai 7:14, Zieziekchun, Lalpa ngêi chun melchikna hun pie'n tin, ngaitiem u, nungak thiengtho chuh gai intin chapa hing intin, a min dingin Immanuel sa'n au.

Luke 2:11,12, Tuni hin nanguh dingin David khawpi ah Hukdampa chuh a pieng tai, Lal Krista chuh! Chun, ziehi nang u dingin melchikna ding ahi; nausen puona tuom, gan-an piekna kuong a kuol mu'n lau!” a ti a.

Luke 2:7, Tichun, nautil in chapa a nei a, chun, puon nem in

'CHRISTMAS MANG DIK TE CHU':

- 1) Van mipi te'n akipahpih mah mah teu ahiu.
- 2) Mary guol a Pathien deihchuom te ahiu.
- 3) Mary guola numei chengcheng laka hampaha pen leh mi vangpha pen te ahiu.
- 4) Pathien thamuonna apieku teu chu ahiu ui.
- 5) Simtu deihtak, nang leh na Inkuon te'n na mangdik tau em? mang khiel zing?
- 6) Christmas dik chu, Krista neite Insung ah atung sek.

Simtu deihtak, tukum (2015) Christmas hung tung ding hi, Amangkhiel zingte hilo in, mang dik tei tei ta ding in Pathien in nang leh na Insung a dingin hun vangsak in hun malsawm ta hen.

Laphuok tun : "Chûn thehnm in hui Laldingin", ana tih bang in.

Pauchampih zing in

Mission Conference - 2016

- Venue : ESC Secretariat Compound, Chiengkawnpang
- Date : 4-7 Feb. 2016

Thupi : **"Lithuk lam zuon in len sep un "**

Lk. 5:4

Mission Conference Sticker leh Calendar siem zawh ahita a ana chaw chiet un

nasepbei a ginna a hukdamna etsak ahi.

2. Khawsak Michingte – Thilpiek a Pathien hona etsak ahi. Hukdam sate, nausen puon a tuom gan ankuonga kisiel va ensate chun nasep leh thilpiek thawhlawm, Sawm-a-khat leh missionary nasepna, chuleh Lalgam a dinga kisen na haw hi a genna a hi. Kristmas hi thilpiek a Pathien I ho nau ahi. Pathien kawm a bangmah chawilo a I chieh loh ding dan ei muh sak hi.

Michingte a chitnau chuh anuoia bang hin:-

(1) Aksi lam zilna sang (Scientist, Astronomer) ahiu hi.

(2) Judate leng a hawl chauh uh hilo in, khawvel hukdampa hawl ahih nau ahin a chitnau a sulang hi.

(3) A khuolzin nau ahin nitampi, tha nih lam hiel subei in sum seng in leh tha leh zung it-chalo a Judate leng chuh chibai ding a chieh ahih dan uh muh ahi. (Matthai 2:2)

(4) A chitna dang khat uchuh, amasapen in, Herod in ah Messiah a va hawl khiel ua, mahleh a nih vei na lam ah asudik mah mah ui. Aziek chuh Herod nget bang a, a kawm lam a chieh kit talo a lam chuom a Herod a pelh thak ziek un, tuchung hin ei unle I sukkhelh nau

hi hih kit zel lo in, lam thak, hindan thak a I hin tak ding uh ahi.

Simeon (Teksie):

Kristmas hi kum lama upate, kawng tina hatna leh kinepna nei tawmte a ding in, umzie anei diek hi. Khanglai te'n buoipih ding ahau ua, kinepna dang a hau ua, Kristmas hun a Isu nausen, Simeon guola taksa'n aban a tua, pawm sang in, thil dang ah lunglutna anei ui. A hin teksie ten chuh, "Isu tunin ka lungguk in tawm sungah, hung piengthak kit in, ka kumsawt lal ding in" tih la a sak hi anuom in Thagau thiengtho pawlna a, Kristmas mat a baihlam zawi. Kristmas hun ahin teksie lam hi veh a, thilpiek pie a, kinepna neitalo a, inkuote'n le a hopih man tak loh teu chuh, Kristmas chibai va buk chiet guoi tiu.

Numei Thiengau Anna :

A mah nu hi pasal aneih apat apasal tawh kum 7 chauh dam khawm ahiu hi. A kum, kum 84 hi apien apat, zie hun chan sim a akum hi ding a hi zawi; ameithai nunga a kum 84 dam nalai tih sang in, amahnu hi temple a kichawi daw lo a, an ngawl a paucham zing mi ahi. Zie tawbang mi umchan hih eilak a meithai te'n le ettawn ding in a tak hi. Meithai, kinepna neiloa, ki mawk ngaih siet ten le, thim laka vak hung eng, Krista hukdam pa pieng ngei hi, kipak taka ana lawp a, Anna banga Pathien a dinga kipie, paucham leh

anngawl a na um chun, Kristmas mang dikpen hinla. Tukum in nangle, meithai, thawmhaute veh nan mang inla, taksa leh Thagau lam ale ki thuohpih ding ngaih tuoh in.

KRISTMAS MANG DIKLOTE:

1. Leng Herod :

Amah hin Juda te lakah kum 40 vai a hawm a, a kum masalam a chun Judate a ding in thilpha huntiang tak a bawl hi.

(1) Amah vai hawm sung hin Juda te lakah muonna leh bitna aum hi.

(2) Judate lung hawl na ding in Temple a saksak hi. amah zieng chuh Juda sakhuo zui vang ahi puoi.

(3) Hun haksa hun a mipite haksat na en in leiman a subei hi.

(4) Kiel lai a buh chawkna ding in, amah sana kuong bang, a piedawk hi.

Himahleh ahuntawp lam in alungthim ahung sie a, a lalna thua muon mawh kai ta phawt, aban

thah hi. A chate laka upapen Anti Pater leh achapa nihte Alexander leh Aristobula le hawilo in, aban thah hi. A zi Mariame leh azi nu Alexandar le a that hi tih ahi. Zie hunlai taka michingte'n, khawi ahim Judate leng hung pieng chuh ava tih uleh amah a dingin, lungbuoi um zaw sem ahi. Ziezieka chuh Bethlehem pasal nau-pang kum nih apat, a nuoilam thah ding thu apiek ahi. Herod Kristmas matdan chuh muhdahna, itthikna leh amah sang a phazaw, thiemzaw suksiet nawp na ahi.

2. Dan thu zikte (Theologian) :

Amau hin, a pienna ding mun baihlam tak in akawk dawk thei ua, mahleh Isu nausen va muh na ding lungthim anei puou hi. Isu chanchin a heu a, kumkhuo tuong hinna nei ding in, a kawm ah a chieh puou hi. Thiempute'n, a hawl ua mahleh thah ding, mat ding a, ahawl uh ahi. Herod in aneuh lai in, thah ding in a hawla amu zo puo a, Thiempu lal ten, a pitit nungin a hawl ua, atawp in aman ua, Kross ah a khenden tau hi.



II. CHAMNA LAL (Isai 9:6) – “JEHOVA SHALOM”

- ❖ Ps. 34:14 - “*Chamna hawl inla adelh in delh in*”.
- ❖ Mark 9:50 - “Nangmau haw ngei ah-chi-al nei unla kichamtak in um un” atia.
- ❖ Matt. 5:9 - ‘Chamna siemte chu a hamp hau ui’.

Q. Chamna chu bang a?

Dawna:- “*Chamna chu Isu Krista ahia, Isu nei te'n, A mihiem chanpih te kawm ah, amang sek ui*”.

Q. Christmas hi bang ti'a mat dik ding a?

Dawna:-

- (1) Belampute banga, Pathien thupiek ngaikhawk a, Bethlehem zuon te'n amang dik ui.
- (2) Khosak michingte guola, mikiphal, kipumpiek te'n amang dik ui.
- (3) Mari guola, lunggil thiengtho leh kingainiem te'n amang dik sek ui.
- (4) Joseph bang a, kisumthei, lalpa kihcha a, thu awi te'n Christmas amang dik sek ui.
- (5) Mahleh, Herod guola dik kisa, chapo, lungthimsie, mahni kingaisang te'n vang, Christmas a mang khiel zing zieng ui.

III. Krista Limbawl na, zahna piek chu – ‘Christmas’ chu ahi:

CHRISTMAS UMZIE – (Nathanael Olson zikdan)

- ‘C’** - **Counsellor** Isai 9:6-7.
- ‘H’** - **Healer** (Sudamtu) Matthai 14:14.
- ‘R’** - **Redeemer** (Tandawkpa) Matthai 1:21.
- ‘I’** - **Innocent** (Mawhna bei) Matthai 23:17.
- ‘S’** - **Servant** (Suok) Johan 13:5-20.
- ‘T’** - **Teacher** (Sinsakpa) Mark 10:11.
- ‘M’** - **Messiah** (Guot/Thaunuh) Johan 1:11-20.
- ‘A’** - **Advocate** (Gensakpa) 1 Johan 2:1-13.
- ‘S’** - **Sustainer** (Humbittu) Hebrai 4:14.

Tin ahun zik dawk ahi.

Isu Pienkum sutdan :

- (a) Dionysius - AUC-745 (Anno Arbis Conditae-BC 4)
- (b) - AUC-745 (Herod thih hun in a sut-AD 1)
- (c) Hebrew Calender - “Kislev” (December tha tawp lam in asut)

I. “BETHLEHEM”

Q. Bangzieka Bethlehem khel khela Isu hung pieng a?

- (1) Pathien in Ana guot lawkna mun ahieh ziek in.
- (2) Jacob zi Rachel kivuihna mun (Juda phungpi) ahieh ziek in.
- (3) Ruth, Naomi, Boaz kivuihna mun ahi.
- (4) David khawpi thau akinuhna mun ahi.
- (5) Khawsak michingte leh Belampu te’n amuh lawk nau mun
- (6) Pathien het zing zieng na mun (Memorial stone) ‘leh’
- (7) Zie mun ngei chu – Pathien in Achapa pienna ding a atel chu ahi.

BETHLEHEM MIN UMZIE: (Christ Humiliation)

- (1) Changthak In.
- (2) Kingaihniem etsak na
- (3) Krista kingaihniemna etsak ahi.
- (4) Pathien in thil niem, muhsit um-Amangsek tih hetna.
- (5) Minuoinung, muhsit um, Mary-Pathien in atel dawk.
- (6) Krista pienna ding in mun hoih, mun sang a tel puoa, gan ankuong a tel hi.
- (7) Miniem-minuoinung- court in athu alak loh teu - Belampu te’n Pathien Aw a zak nau mun chu ahi.

Pu. Ralngam chun: “Judai gam Bethlehem ah, mun aum puoi Lal pienna’n, Bethlehem ah gankuong sung a ngak” tih ana phuok hi.

BETHLEHEM AH:-

- (1) Krista hechien te ava tung tei tei ui.
- (2) Lal pieng ava muu a, chibai ava buk tei tei ui.
- (3) Aneih uh, go lulpen pen te a pie lo thei puou.
- (4) Chanchinpha aphuong lo thei puou....

**Chungnung pen ah Pathien lopi takin um hen la,
Lei chung a kipahna mah mah
mihiemte kawmah cham thu leng hen!**

Luke 2:14

Evan. Mangneihlal

Zie gam mah mun khat a chun Belam chingte gam a giek a um ua, a kawm ua vansawlchak a hung kilak a “Tuni hin nang u din David khawpi ah hukdampa a pieng tai Lal Khrista chu” tin hetsakna a va piei. Tha khat in vansawlchak kawm a chun van mipite a hung kilang phut ua, Pathien pahchakna la a hun sau a “Chungnung pen ah Pathien lopi takin um hen la, Lei chung a kipahna mah mah mihiemte kawmah cham thu

leng hen.”Nausen Isu pien tawh kisai a pahchakna la kisa masapen ahung hi tai.

Zie pahchakna la hi Doktor Luke in Belam chingte kawm apat ahet ahung zik dawk hi ngei ding ahi. A kaih (tune) le um ngei din ginchak a um a, mahleh het vang a hi ta puoi. A thu (lyric) vang tuni tieng in athak zing nalai hi. La (song) kiti him him hi a thu umzie (lyric meaning) hi a pi pen chu ahi. Lasate aw (singer’s voice), music, a pi, a te, akaih (tune) tih haw hi a zem hawih tu mai ahi zawi. La lunggil sukha, ei cho mah mah tih haw hi a thu hawih ziek ahi pen a, Zie la kaih chu a hawih bek in, ka mittui a luong hiel a puo, a kiti kha puoi. Chuleh, la hi a kiphuok

na ziek I het chien leh lungkhawih a um diek hi. Van mipite lasak hi le umzie nei tak chawmkim cha ahi a, chawmkim chan en khawm leu hing ut um ka sai.

Zie la hi khawvel la phuok tute’n a vak phuok kawm mai uh ahi puo a, khawvel lasa thiem te’n a vak sak dawk zieng theih u le ahi kit puoi. Pahchakna hung kuon na leh lasate kha van mipite ahiu a, Nausen Isu leh athu umzie he chien mah mah te ahiu. Ei mi te hile la mi mah mah chu I hui. Gospel hung lut ma him in le I pi le pu teu kha tuithei taw tat a zankhuo khuo a mau thei a na hui. Dah ni, kipahni a la tel lo a hun mang lote I hui hi. Gospel hung lut til lai hin Pathien in la mang in I

gamsung ua thu a na gen nasa mah mah hi I ti lo thei puoi. Gingtu chieh masate'n ei thingtangpa tuol kuon ngei pahchak la go lul, gil tak tak a na phuok ui. Tu lai ahi ka gel det det leh la a siem hawu kha Pathien thu hawih tak tak leh gil thei mah mah ahi tih ka mu dawk deuh deuh hi. A diek in La Lakkhawm bu hi ei thingtangpa tuolkuon ngen deuh ahiu a, Khristmas la hawih tak tak le a tel hi. Zie guol la go lul I neih hawu hi I vangphatnau khat hin ka hei. Pahchakna la thagaumite'n a na siem hawu apat hin le Pathien hehpihna thu hi kihet chet theih a hi. Zeziekchun, Pathien in ei piek la hawih tak tak te, aw hawih tak tak te mang hin lunggil tak in Pathien pakchai tiu.

“Chungnung pen ah Pathien lopi takin um hen la.” Van mipite hin Pathien lungsietna leh Isu Khrista kingaihniemna mak hi lopi sa ta luon pahchak la'n a awi mai u hi ding ahi. A lungsietna let bek ziek a a Chapa changkhat neihsun le it lo khawp a hun pie a, nausen a hun sawlpa chu lopi sa ngawt mai hi ding ahiu hi. Gentheihloh lungsietna lien leh hehpihna tawp lo chu a muh lai un maksak na le lopi sak nan a dim lo thei lo ahiu. Van mipite'n Pathien lopina le thupi na a he chien bek ua Chungnung pen ah Pathien lopi hen la a ti thei u ahi. Kuole Pathien

lopina he ta phawt leh mihiemte dinga a thil bawl lopi zie he ta phawt chu lopina pie lo di kuo mah um puon a. A sang thei pen in lopi na chang hen, vansawlchakte sanga sang zawn, mihingte hukdamna ding a Pathien nasep hi a lopi bek a “Chungnung pen a Pathien lopi hen” atiu hi. Zie sanga thil lopi zaw hi um ta puon a tihnau ahi. Pathien lopi na chu khawvel a mihingte lak chauh hi lo in van le lei, tuisuohgiet le vantamzawl haw akhun le, van mipite'n le lopina peu hen a tihnau ahi.

“Lei chung a kipahna mah mah mihiemte kawm ah cham thu leng hen.” Chamna hi I pawimawh mah mah mai u thil khat chu ahi. Hinkhuo a lauhna, natna, hawtna, lungkham, puokgik, gal le tuol um lohna I deih chiet ui. Pawlpi kituok, kipawlthei, kihethiem, thawmhauhna le natna haw a kidawn tuoh diel diel I deih chiet ui. Insung kituok, kizah tuoh, kilungsiet, khat le khat kigel khawk I deih chiet ui. Mahleh, chamna hi a um thei mah mahsek puoi. Isu pien hun lai hin, Rome lenggam kha a galmuonga, chamna a um lai tak le ahi. BC 27 vela pat Rome lalgam a hung hat a, gambung chuom chuom a awpkhum na teu ah dan (law) khauh tak ahun siem a, sepaih thahat in chamna a hun siem tai. Gam khat le gam dang kitawh

Joseph chu Bethlehem khuol buk ah mun chang zolo in bawng-In aluoh mai tau hi. Awle, suohpih te haw nang le khuol buk na hia angakpa le nahi, na lungthim khuol buk a chun Lal Isu pien na ding in mun aum thei nalai die? liet leh lalna thu neihna khawksak na hawn a luoh dim vek ahi tam, kingaih tuoh pha'n, khuol buk ngakpa bang khân la.

CHAMNA LAL - KRISTA PIENNA CHU



Evan. L. Minthang Gangte
Collector, BSI - CCPur Branch

Luke 2:11, Isai 9:6

“Tuni hin Nang u di'n David khawpi ah Hukdampa apieng tai Lal Krista chu”

Thumapui:

- Upa Lalthankima - “Ka duhthusam bera chu chatuan Christmas ani” ana tii.
- Pu Saidailova - “Lalpienni muol aliemsa – A hungvak kit tai muh ka nuom singkhuol lun ah van lalcha leng pieng chu” tin.
- Christmas huhi in ei mut tieng – Lung asuhel in, ei sukikap mah mah seka, Bethlehem lam ei ngaihsak sek ahi.
- Isu pien hun : (BC 63 – BC 4) - ‘Roman hun sung in a tung’
- (1) Leng Pompei - (Roman gamsunga vaihawmtu)
- (2) Leng Perthians - (Jerusalem ah vaihawm)
- (3) Leng Herod the Great - (Antipater chapa) Judea gam a vaihawma a pan lai.
- (4) Rome Governor - Kaiser Augustas hun lai ahi. (The first Emperor of Rome)



Luke 2:1- *Chun, zie lai chun, Kaisar Augusta'n Rome gam a awpna sung pumpi achun, minzik ding thu a pie a. Zie chuh Suria gama Kurinias gamvaipuo a hih laia minzik na masapen chuh ahi. Tichun, mi chengcheng chuh a min uh zik dingin, amau khawpi chietah a chieh uh a. Chun, Joseph le, David inkawte leh suon a hih ziekin, Galili gama Nazareth khuo apat in, Mari a zi huol gaiham set chu tawh, min zik dingin Judai gama, David khawpi Bethlehem a tih u achun a chieh tau a, midang le tamtak ana chieh uha, milien milal mi hausahaw chuh ana tung tau a, zie nitak chun khuol buk ngakpa chun, nuom asa mah mah a, angaihtuoh na achun, tuchung hin chu sum bang zah kamu dem tin, athalawp mah mah a, kipak tak in mikhuol haw chu ana zintun tai, Mi atam ziekun khuol buk chu aluoh dim vek tau a, khuol buk dim nungin mihausahaw officer khat ahung tunga, khuol buk ngakpa kawm ah chun, kisuong zo deuh in, kei room ding chu khawitak a? nei hung hilh ah, atih leh khuol buk ngakpa'n, mun awng talo ahi, room lailung pen khula Mesiah Krista pienna ding a reserve ahi a, mun dang a awng ta puoi, atih leh agen tum man, officer pa'n gen*

tam ngailo ti'n sumtamtak achun in apie a, room a chun alut ngal ta a, awle nang khuol buk ngakpa hileh chun bang na lawh die?

Zie nung chun Joseph leh Mari chule, lam lak a nauhanat thuok kawm kawm in, vai gei deuh in khuol buk chu ahung tung khawng ua, Joseph in khuol buk ngakpa kawmah, kei uh tunna ding mun aum thei nalai die? tin kisuong lah kawm in a vak dawng a, Mari chula nau vawp agim tawh a dap ziek a kithing kawmin aum a, khuol buk ngak pa'n Mari nauvawp gimtak aum chu a muh in alungthim in angaihtuoh a, thiemgau ten ana genlawk uh zie mun ahi, Messiah Krista hung pi-eng ding atih ukhah, amau hi hita ding ahi hi uo atia, abang hileh hih khiel chu ki hi mai ding ahi ta hi. Room lailung chula officer pa ka luoh sak ta ngala milien, milal, mihausahaw chulela va nawh daw kit theih le hitalo a, bang lawh ding ahi ta die aw! ti'n aki ngaihtuoh vung vung mai taa, nang khuol buk ngakpa hileh chun bang nalawh die?

Khuol buk ngak pa'n room lailung, khawvel hukdampa pienna ding reserve aum chuh, sum tam taka ana khawt tak ziekin, Mari leh

matna din lamlien ahun siem a, pau kihelote kiho theih na din Greek pau ahun mang ua, leng gam neu cha cha kituok lo haw kha chamna ahun siem tai. Chamna a um phat chun Rome a Janus temple le khak ahung hi tai. Rome sepaih galhat gam la zung zung te chu puitu din a um tau a, Pathien pawimawh talo guol in a gel tau hi. Khuti hun laitak chun, sepaih thahat a chawmcha a dinga gal suk thip mai mai taw bang hilo chamna thu van mipite'n la'n ahun sau hi. Kum 70 vel nung chun Belam chingte'n van mipite pahchakna aw aheth nau gam chu galphuol ahung suok ta a Jerusalem ngei le suksiet in a um tai. Gal um lo hi Chamna ahi ziang diek puoi. Epictetus chun "Leng in gam leh tu-isuohgiet chungah chamna a pie thei mai thei a. Amahvang, lungkhamna, awhchakna leh puokgik apat chamna a pie thei puoi a, mihing in a pawimawh pen lunggil a chamna a pie thei puoi" (while the emperor may give peace from war on land and sea, he is unable to give peace from passion, grief and envy. He cannot give peace of heart for which man yearns more than even for outward peace) ati. Lungkimna umlo, ki-itthikna, kihawtna, lungkhamna, thawmhauhna, kimuhdahna, gal le tuol, kiphinna, ngaihdan kibat lohna, a dim khawvel ahi a, Zie haw

cheng siemphatna ding hi a um puoi Pathien apat ngal lo in. khawvel lengte'n tuolgal a pat chamna a pie thei mai thei ua, lunggil puokgik apat chamna vang Pathien apat ahi. Khrista a chamna hi mihiemte dinga piek ahi a, Pathien tawh kichamna hi I pawimawh masak pen u chamna ahi. Pathien tawh I kal ua Chamna hi Chamna dang cheng bulpi pen chu ahi. Pathien tawh chamna I neih masak lo u chun chamna I tih u dang cheng le chamna lem le ting lo hi ding ahi (Rome 5:1). Lunggil a Chamna muh loh ziek hin, khanglai tampi hinkhuo nitin a muolliem zing ahi tih het ngilhloh apha. Christmas hi Chamna leng cha mihiemte kawmah ahung na chanchin ahi a, mihiemte kawmah um dinga ahung na, chamna hun puo a, chamna lampi ei kawkmuh ding a ahung na ahi (Is 9:6). Modi Solkar in BJP puitu lui Vajpayee Birthday ahih ziek in Khristmas ni Good Governance Day tin phuong mah leu, ei u din vang Nausen Isu hukdampa pien ni ahi zing hi.

Don Richardson missionary chanchin lungkhawih um tak a um a. West Papua, Indonesia gam ah a inkuon un missionary'n a chieh ua, kum bang chan ahim a sep nung in le a lawh ting thei ta puo a. Khuo le khuo, nam le nam kigalna a tam a.

Gal a um phat leh chamna a um kit theihna din ‘Chamna Nausen’(Peace child)a mel ma teu kawm ah a pie sek ui. Zie chamna nausen chu a melma teu in le hawih tak in en-kawl un tin, Chamna nausen dam lai chan chu kichamna het zing ahi sek hi. Richardson in le zie thu chu Pathien in a Chapa changkhat neih sun mihiemte tawh kal a ‘Chamna nausen’ guol a ahun piek ahih thu a gen lai in Sawi tribe te hin Gospel hun he thiem in ahung kipie pan tau hi. Kum 2012 khan Sawi tribe mi a sang a sim te’n Gospel 50 titna a na mang ui. Isu Krista Chamna nausen piek a um hechiente hi mi hampaha ahi nau e!

Thuthunlui hun a chamna(Shalom) umzie hi, buh le bal, neih le lam, taksa lam phat theihna a um a, diktatna gamsunga a um leh chamna le a um a, zie chu Pathien thuthun taw le kituok ahi. Thuthunthak lam a chun, Hukdamna hi chamna tin a gen thupi pen a,



Khrista Isu hi Chamna chu ahi ati. Khawvel hi Pathien tawh kimelma a hi tau a, mihiemte leh a siemtuu kikal a chun kimelmakna a um ta a. Mihingte khat leh khat kal a le kimelmakna chu a pieng ta ahi. Mi gilote kawm a chun Chamna a um ngei puoi. Ei siemtu tawh kicham a um a, helna matchakte Amah kawm a kawihtha a amah kawm a kipie din ei deih ahi. Lunggil a Chamna hi mihingte’n a ngaihchakpen leh a pawimawh pen chu ahi. Zie Chamna chu na nei tam, lunggil tak a Khrista Isu Chamna nausen kipawm in neih guo chiet hi tiu. Chamna nausen chu mihiemte kieng ah piek in a um tai, Pathien leh mihiemte kal ah chamna um ta hen, Zie chamna chu chamna cheng cheng bulpi chu ahi a, mimal lungsunga chamna um ta hen, insung, sapchuom, khuotang, Insak-inthang, mo leh tekpi, pa leh cha, upa leh naupa, nam leh nam, gam leh gam kal a le chamna um ta hen.

KHUOL BUK NGAK PA HILEH CHUN BANG NA LAWH DIE ?



- Pu. Thahpau, phaijang

Khuol buk kiti hi Palestine Judai gam David khawpi a um ahia, Juda khawpi laka pawimawh mah mah khat ahi. Sumkawl vei te leh malzin vak viel milien, milal, mihausa haw tun khawm na mun pawimawh mah mah khat ahi. Sakhuo lam thu ale khuo pawimawh tak ahih na chu BC hun lai apat khawvel Hukdampa pienna mun dinga thiemgau chuom chuom te’n ana gen lawk uh ahi. **Mika 5:2**

“Aw nang Bethlehem Ephra-
thah Judai gamsung a khawpi te lak a
neupen nahia himahlele, nang apat in
Israelte vaihawm ding tung dawking
ka” tih ahi. Bethlehem achun khuol
buk lientak asau a, tulai a Guest
House itih hawu hih hiding ahi. Zie
khuol buk chu mitam tak tun theih
na ding a pindan chuom chuom a
khen ahi a, a en kawltu chokidar
aum a, room lailung pen chu khawv-
el hukdampa Mesiah Krista pien na
dinga kawih chuom leh reserve ahi.
Room dang haw chu sumkawlvei
vak viel mihausa leh mi chagah ten
le ava luoh sek uh ahi a, khuolbuk
ngak pan gieh man ana lak sek ahi.
Mihausa haw leh sumkawlvei te a
va gieh tieng u leh sum tamtak mu
ding ahih ziek in, akipak mah mah
seka, kipaktak in ana tun sak sek hi.
Nikhat chu mi chagah, nek kawm

ding hawl haw, avatun guou a, phalbi
guoh dam dap lai tak ahi a, puon lum
leh van lum ki suklam na ding le
neilo, adap zieka kithing keuh keuh
kawm in, khuol buk ngakpa kawm
ah, kei uh le hung gieh mai kau ie
lungsiet tak in eiphal sak ham ah
atiu a, Khuol buk ngak pa’n e khai,
khawngai tiem u, hitheilo ding ahi,
dan deuh khu leh mihausa haw hung
tung ding ahiu a, nanghaw a dingin
mun umthei lo ding ahi.

Nang un mun dang vaki
hawl un tin ana nawh dawka ta a, mi
chagah haw chu phalbi guoh chin
nuoi achun, a dap zieka ding zang
ngamlo in, kawm kheuh kheuh in,
suk na ding heloin khuol buk apat
chun ahung pawt tau hi. Nang,
khuol buk ngakpa hileh chun bang
nalawh die?

leh khawvel in adeih loh te akhen dang puoh a, aguolpha pen in apang hi. Isu Krista chu a pien in alunggil chu khawvel ading in ahawng ahi. Bible achun zik in aum a –

Thu mah chuh a tungin Pathien kawmah a um hi. Thil cheng cheng, a bawnin amah siem a hii; thil kisiem chengcheng hi amah siem loh bangmah a um puoi. Amah achun hinna a um, zie hinna chuh mihiemte vak ahi. Vak chuh thim lak ah a hung vak a; thim in zie chuh a ngaihsak puoi. (Johan 1:1-5)

“Gan-an piekna kuong (Manger) khel a Calvary Cross i-et chun Christmas ziek hethei hiting, zie chun kipahna nangle kei ei pie thei ahi”. Kristien kahi kiti tamtak te hinle ipil vang loh a ahih chun, Christmas tampi vei ka mang hi ti mah leng imang khiel nalai mai thei ahi, aum zie tak mang kha nailo tamtak I um ka gingchai.

Question lientak khat aum



hi, zie chu thusim mai mai ahi nalai em, ahihloh leh nausen Isu hungpieng intin tia kichai mai ding ahim? A ban khah i-et chun bang thu aum em? **Matthai 1:21** Chun, *Chapa hun hing in tin, a min dingin ISU sa'n la: amah chun a mite a thil hihkkelh nau apat hukdam ding ahi ngâl a,” a ti a.*

Zie hi thusim mai mai ahih loh dan eihilh ahi, nausen Isu chu ahung khanglien in, khawvel gitloh na apat hukdawk ding pa chu ahi. Zie Isu hungpien na hi athawkna leh athawkkita vaka i-et chun Krista hung na ziektak aki muthei ahi.

Awle tu Christmas ahin namit haklien inla, hehpih naleh kipumpiek in Achapa eipiek ziek in, I ngaihtuohna leh tawihdan chuleh utna te haw cheng nausen hung khanglien chuleh I gitloh ziek ua hung thi a kawih vek in, Lalpa thilthawn ei piek hi changchiet thei ding in Lalpa Pathien in ei vangsak chiet tau hen.

Nausen puon a tuom, Gan an piekna kuong a kuol mun lau



Luke 2:12



P. Tina Gangte

Tu kum chuh ginchak loh lam tak ah gam sung buoina'n ei chi'mbuoi u a. Sumdawnna a chawl a, nek hawlna lam leh Office a semte (Mission leh Govt. lama te) le a chang chengin sem theilo in a um u a, Ho In dak nasan gi talo in tha bangzah a him a um a. Bible simna dinga hun lemchang mahmah, mahleh zie ding a chuh I mat diek loh uh hun haw chuh a chamlo a chut khawmna hun a mat zawh in a um a. Chamna leh muonna, hun pha leh hun nuom ngai a Lalpa sam kawm zelin tuhin kum tung ding I hita mai ui! Zie bang hun haksa lak apat ei humbittu leh kum tung a a zahngaihna ei muhsaktu Lalpa Min pahchakin umta hen.

Unau tam tak mitthitui tawh tu kum Krismas mang ding a um ui tih I heu a, a khawk takzet hi, paucham sak hi tiu. En le kum dang guolin I masang naichah a um Krismas hih Inkuon in thamuong tak leh kipak kawm in I mang thei na dem tih I gen masa ngam puoi. Ze buoina leh lungkhamna haw ziek tak hin I masawm Krismas hih I gam ah Chamna Lal vaihawm ding a chielna hun hi hen la, Chanchinpha ziek a chi le nam kipumkhatna a hung pien a, Krismas hih kingainiem a mitin Lalpa ma a ei khupdinsaktu a hih theihna ding in Pathien Thagau chiel hitiu.

Krismas chanchin a kigen phawt leh gen masak a pang chuh David pienna Bethlehem khawpi a min zik ding thu, Joseph leh a zihuol Mary, Vansawlchak leh belampute, Van mipite lapawl, Bethlehem bawngin, Kaiser Augustus, Gan an piekna kuong, suohlam michingte, Herod itthikna leh a lungna kitawm thu, Lal pienna ding Bethlehem a mun um lo tih haw hih ahi. Tam tak a dingin Krismas hun a thiltung haw hih ngaihthak chimum suok zota mahleh zie a thiltung tiemtah tak haw hih Krismas tuomtu mai hilo in Krismas thugil lopi tak tak hun suohdawk a deihum tak a mite ma-

sang a hun sulangtu ahiu a; chuleh, Krismas sunuomtu le a hiu.

Van Lal Cha'n a mite lak a cheng ding a bang ziek a mun nuoinung pen a hun te'l a him? A Van Lal Chutphah tawh hung leh khawvel mite'n hethiem ngal ding hi a. Aw le, thupi ah lut hiting un a nuoi a sermon tawmchah a pat hin Thagau Thiengtho pawlna thak chan kinem kawm in holim hi tiu.

Melchikna (Sign):

Gam a giek belum chingte kawm ah Lalpa Vansawlchak va kila'k in, "Tuni hin nang u din David khawpi ah Hukdampa a pieng tai, Lalpa Krista chuh" tih thu kipahum tak a va hilh a (Lk 2:11). Zehih melchikna ding chuh ahi ti a Vansawlchak in a gen chuh, 'nausen puon a tuom, gan an piekna kuong a kuol' mun lau tih ahi. Zehih melchikna lamdang tak ahi. Leng le lal tam tak a pieng ta a, tawbang a melchikna (sign) lamdang tak hih a um kha puoi. England Leng cha chuh a Leng in ah a pieng a, chanchinbu hawn a suoh u a, bangchan a him chuh England khawpi sung holimna pen ahi. Van Lal Cha hung pieng chu vang kuoman a hetpih puou a, A mite natieng in a he puou ui. Judate chun melchikna a hawl u a, mahleh a kawm u a melchikna piek a um, 'nausen puon a tuom,

gan an piekna kuong a kuol' chuh 'Messiah' chuh ahi ti'n a pawm thei puou hi. 'A mite kawm ah a hung a, a miten amah a he puou' (John 1:11) tih zik guol khan. Rome sawlkal thuneihna nuoi a pat suohchak sak thei ding political messiah a kineppih ui. Mihiem pien dan a hung pieng nau-sen Isu a chun a Pathien hihna a mu thei puou hi. A hawl uh melchikna chuh Pathien in a pie a, mahleh a mu khiel ui. A mite muh khelh leh pawm theih loh tieng khawp a niem leh tawm in Van Lal Cha chuh a hung pieng a, gan kuong ah a hung kuol hi! A makna e! A mak taluoi Pathien hehpihna chuh! Khawvel in le tuni chan hin ze melchikna (sign) hih a mukhiel ui. Tihin ka ngaihtuoh a, A hung pien tha'k tawh kizui in 'Rome sawlkal a puk tai' hun ti zui ngal zieng hi leh Judate'n hethiem ding a hiu a maw. A hihloh leh a pienna mun le a mau lak a mi lopi a a ngaihteu in sung hi hen la, a pienna thu chu le Sanhedrinte kawm ah tung masa le chuh 'melchikna dang bang a hawl ngai, a fieh tawkna hilo maw' ti zieng un au ka ti chu uo. Lei lalte sign chu maw- gam sung a ding a thilpha bang a him khat a bawl guot u lele a masang u a pengkun mut a kiko masak ngai, a ngatna lam lam u ah Police leh sepaih Officer liente'n salam un tin, a nung le mau ah escort nei un tin, a chet zieu a le

PATHIEN THIL PIEK (GOD'S GIFT)



Tv. Meshack Gangte, Chiengkawnpang.

Bangti'n "Christmas" I hilh chien die? Aki hekhalo te'n kihet tuoh na'n, lasak khawm na'n, in chei na leh vanthak neih nan? Hunsawt tak kimu talote kimuh naleh khenkhat ading in kichawlh damna hun ahi thei a. Mahleh ziete haw hin ahieh na taktak a sudawk zou puoi, ziete haw hi chu ngaihtuoh na mai mai leh tisa thil mai ahi.

"Christmas" in ei hilh ut ahieh leh, hukdamna nasepna, asie/athi ding lai te hukdawkna ahi. Hukdamna (Hukdampa nasep chuom bik). Zie hi tatlawkna nasep na ahi. Krista min umzie chu, Leng thau nuh, mihingte hukdamna ding a Pathien in zie khawvel a guot leh asawl chu ahi. Kum 1500 masang in zawlnei tamtak te'n Isu Krista pien masang a, ahung ding ana genlawk sau ahi. Ziete lak achun zawlnei Isai in tihin ana gen a "Ei uh ding in naupang ahung pieng a, chapa piek in ium tau a..." (Isai 09:6-7)

Zie hih hukdampa ziek hilo hile chuh, mihiemte khanggui chieh tha thei lo ding ahi, zie hukdampa hi thilpiek (gift) a piek ihi. Zie thil piek (gift) umzie chun mihiem te hi Pathien bei a um hawi ihi ta puoi, kinepna bei aum dingle ihi ta puoi. I hih ding chu, ziethilpiek chu chan

I guot a, deihlo guola um lo a, chun ngaineplo a, kihet mawh sak lo a, a pawimawh lo guola le umlo a, zie thilpiek Pathien hukdawkna chu ikinepna um sun ahieh ziek in.

Christmas in ei hilh ut kit ahieh leh, "Hinna hukbitna" hi ahi. Krista achun hinna piek in ium a, ziek chun ihing thei ahi. Isu'n mi chuom chuom mithum kawmah ana gena -

- (a) Kum sawmlehnih (12) thiput numei. (Mark 5:33)
- (b) Numei a zawlsaih laitak a amat uh. (Johan 8:11).
- (c) A taksa zeng pa (Mark 2:5)

Ziete thum (3) kawm ahin Lalpa Isu'n, "lungmuong takin chieh inla", hih gilo kit ta kin atii. Lalpa'n a thugen hi eikawm ale agen ahi. A pien hun akipat in Lalpa Isu Krista'n, michagahte, panpih ngaite

tawh kicham I hitau hi (Rome 5:1)

1. Krista tawh kichamna hi mihing hetchetna khel ahi. Krista chamna hi hetkhelh loh ding ahi. Krista chamna hi buoina umlo ahim, thuokna umtalo ahim, utchakna umtalo tihna ahi zieng puoh a, damsung buoina haw cheng apat I tuokkhak leh hetchet ahi zawi. Vacha no abu a um huoh pi'n amut tawbang ahi. Api'n a ven ziekin huohpi lauh um laka chun lau lo in thip kei in a um hiet hiet ui. Chamna diktak chuh I tep kha tau hi. I ngaihtuoh nau chuh Lalpa a kinga ahieh ziekin (Isa. 26:3). "Lalpa, na chung a lungthim ngate chuh, nangmah ahun ginchak ziekin un, lungmuong taka um dingin veng inla. (Isa.26:3). Pathien chuh buoina Pathien ahi puoh a, chamna Pathien ahi zaw ngala (1 Kor. 14:33). Pathien nei nam, Pathien chate hi a kingai zing ngala, gingtute laka buoina meipi zing kithiel theilo hi tukum Kristmas zal hin malam kinepna kawlni hung suok ta hen.

2. Pathien lungmuonna chun na lunggil uah vaihawm hen. Krista a lunguonna leh chamna chun eihaw hi ei suthieng taa, I thagau, I hinnau leh taksa chuh I Lalpau hung ni tieng in vawp thienglim hen (1 Jn. 5:23). Ei haw hi chi tawh tehkal I hui a, I kimvel a thil um cheng hi zie chun a thuzawh ding ahi. Nangmau ngei in chi nei unla, khatlekhat kicham

un (Mk. 9:50). Krista chamna chun I lunggil ua vai ahawm tieng chuleh zie khawvel chamna um lohna mun ahin chamna tak tak tunna dinga alampi chuh Kristien te hi ding I hui hi (Isa. 52:7). Lauh thawng na mun nasan ale chanchinpha I phuonzak ua, "I Pathien un vai ahawm hi" I ti zawu hi. Krista taksa ahin buoina siemte leh ngaih buoina siemte hilo in kipumkhat a semzawm zel ding I hui hi.

La phuoktu khat chun "Kristmas ni ahung tun tieng, Bethlehem ka ngai" ana ti chawt mai ve! Kristmas hi kumtunga ngaih ding hilo ding maw! Krista Pathien chapa kipumpiekna, migilo thi dingte suohchak sak dinga hung kipie ahiehna hih mite hin manfuh thei ta leuhing kumbul apat kum tawp chana Kristmas hi zing thei ding ahi. Nausen hung pieng lawmte hin ahung pieng Isu sanga a nau etna thilpiek leh alawpna a Ankuong lama ngaihtuohna a let zawk khak ding hi setan deihdan ahi tih het theih na lungthim nei a, Thagau lam kalbi khatbek tawh to dingin taksa lam, thagau lam leh lunggel a panla thak chiet ding in chamna Pathien in ei deih hi. Tukum Kristmas hi khawilam zuon in na mang dem? bang tawh na mang khawm die? Kei hin bang tawh ka mang khawm em tih hi kigel chiet hitiu.

a lal ui tih het mahmah zieng ding in. Thukhat ah zehi chuh lei lalte lal ding dan mawng hina ven ti, mi a mau hawn Pathien helo hiven. Ei haw Kristiente hila le, bang a I sign uh: chapona leh kiletsakna te, kiuonnate, duhamna leh mahni ang sung khuotnate tel ngei in a maw, mi gensiet nawpna leh kibungkhenna tawh; a bang chun Pathien khawksak lohna a nei u a; a khawksa guol a langte chu la 'Pathien khawksak hi hamphatna hi'n a ie' tite ahi zel ui. "A hi, Pathien khawksak hi mi a thilneih chung a a lungkim phawt chun hamphatna lien tak a hi him hi" (I Tim.6:6). Unaute, ziehaw, chaponate, kiletsakna leh lalnate pum hin Bethlehem a Van Lal Cha hung pieng chuh lawm thei puoi tiu. Nang sign la Kristmas melchikna tawh a kimeh nam, mi dangte'n nang sign ah Van Lalcha a mu thei na ding u?

Gan an piekna kuong :

A pien in nausen tuisik himahleh gan an piekna kuong a pat haksa (A cross ti leu hing gen khiel ta luoh hi sam puon a) a tuok pan ngal a- pienna ding In a nei puo a, bangkim neitu chun chatgahna tawp khawksak a hung tuok a, mihingte muhsit in a hung um a, kuomah kuol ngei lohna gankuong ah siel ahi. Lu ngakna ding mun a nei puo a, mi phate phatna leh thupikhuolna haw se'n in a hung um a; kei leh nang ziekin

in zahhuoi muolphona tin cheng tuok in ngawnchang in thing cross ah khaihkan in a hung um hi. Zie nausen gankuong a kuol, kuomah hetphak leh ngaihsak lawh lo hih ahi khawvel hukdam ding a **Pathien in A Chapa** a hun sawl chuh! Amah chuh ahi Johan in "Thu chuh phehlevo a hung suok a, I lak u ah a um ta a..." ti a ei hilh u khah (John 1:14). Na hukdampa Bethlehem a nausen a hung pieng chuh '**nausen puon a tuom, gan an piekna kuong a kuol**' khah ahi.

Zie zan chun min zik ding a chieh khawm Bethlehem a chun mipi bangzah phet a um ding um? Mahleh gam a giekin belampute ngallo kuomah Van Lal Cha va en ding a chieh a um puoi. Belampu gam a giekin kawm a Van mipite'n Pathien pahchakna la a sak ngallo u chuh khawpi sung a chun Van Lal Cha pienna lawpna thawmgi zak ding a um puoi! Thawmgi zatchuom tak tak khawpi sung a chun a um ngei a, mahleh Van Lal Cha a hepha puou. Zie zan chun zalkhun nuom tak tak, puonphah sah tak tak chung ah lum tak leh nuom takin mite chuh a kuol u a, Van Lal Cha gimtheih zie kuoman a hepha puou hi. Hi e. Van Lal Cha tunna gancha in chuh a thien loh ding hetsa, a nawploh ding tawh, a namsiet ding tawh; ziechuh tunna leh giekin ding in kuoman a

en puo a, kuomah zietak a um nuom chule um puon a, nang sik a a hinna pie ding a hung na **HUKDAMPA NGALLO CHUH!** *Isu muh nuom tak tak a hawl na hih chun nang ding a a liengvaih dan ngaihtuoh masa zet in la hawl in, tieng chu leh A mah na muh theihna ding mun hen na tin, Aman hun kimuhpih in a. Zie chuh Krismas chuh ahi.* Krismas thagau chuh ziehina a um a. Zie tak a hin *'Isu tuni hin ka lungguk in tawm sung ah, Hung pieng thak kit in Nang ka kumsawt Lal ding in'* ti thei ding na hi. Martin Luther chun "Khawvel in Van Lal Cha chuh tuomlo mahleh Mary'n vang puon-nem in a tuom a, a pheichung ah a siel hi" a tii. Khawvel Hukdampa khawvel a a hung dan hih a mak in a lamdang hi.

Education hih khawvel in a poimawh pen hileh Pathien in sinsaktu hun sawl ta'n a. Khawvel in a mamawh pen sepaih hileh general hun sawl ta'n a. Sum hih khawvel in a mamawh pen hileh, Pathien



in sum neitu, banker hun sawl in a. Mahleh khawvel in a mamawh pen chuh **HUKDAMPA** a hih ziek in khawvel hukdam ding in **Pathien in A Chapa Isu** a hun sawl hi! Ziehih thil mak leh lamdang, Krismas kipahum hung tunna chuh ahi. Mihiemte'n a hih theih loh, hih thei leule a hih ngei loh ding uh thil chuh Pathien in a hun bawl a, ei-haw ding in van kawtkhak ei hawn sak tai.

Bethlehem a thiltung mawl tak hih a he nuom leh mu nuom a hawlte ding a muh baihlam leh het nuom ahi: *nu khat, pa khat, nausen khat.* A niem pente leh a zawngkhal penten le I muh a I chan theih ding in Pathien in thil a bawl a, ziechuh mihingte chitna leh hetna, chapona leh kisuonnate masawm a hawl ding hilo in **kingainiem a ginna a hawl a muh ding a hi.**

Krismas chibai.
Lalpa'n malsawmta hen.

CHAMNA PATHIEN VAIHAWMNA

"Krista chamna leh lungmuonna chun na lunggil uah vaihawm hen, khutibang hi dinga chuh sapum khata Pathien in a hun sap na hi ngal ua"
(Kol. 3:15)



Rev. L. Sata,
Chiengkawnpang

Tulai khawvel a dingin lungmuonna/kichamna kiti hi matchak kikhat tak ahung hi tai. Mihingte chuh lungmuonna-chamna hawl in sakle thang ah a taikalh veng vung mai ui. Chamna delh a nasmte chuh kipahman sangpen pente piekin a um sek ui. Mihing in chamna a delh u chuh lungthima thilpha pen hisap na chauh a hung hi tai. Bang cheng chuh ana hita lele Krista chun I lungthim uh a luoh a, Krista'n vai ahawm tieng leh Krista lungmuonna leh chamna kipahna leh kihehpihnate chun I lungthim u ah thunei in vaihawm ta ding ahi. Amah chun micheng hi kihehpih a lungmuong a kipum khat a um dingin a deih hi.

Khawvel in chamna leh muonna a hawl zing lai in, chamna leng hung pien hephalo khawpin, mun dang ah hih dan chuom leh thupi khat manga chamna muh guo leh delh khawvel ah a pung zel hi. chamna um louh na mun phawt chuh setan vaihawmna ahi ngal hi. Pathien leh mihing kikhenna gam leh mun chuh ahi. Chamna Pathien in vai ahawmna mun dinga mun awng chuh! Kristmas umzie diktak chuh Pathien leh mihing kal zawpmatna ding leh mihing leh mihing kala kichamna ding ahi. Chamna siem dinga, chukhawm sekte hin Pathien a chiel sek ding u aw! Mihing chitna leh lem hetna mai a kingate chun chamna bukim mudawk thei lo ding ahiu hi.

Krista a chamna chuh chamna

diktak ahi. Mika 5:5 achun, "Zie hih I kichamna dinguh hin a," ana tii. Krista chuh chamna leng leh chamna lal ahi (Heb.7:2). Khawvel a Krista hung lawh pen chuh mihingte chamna leh deihsakna a tun theih na ding ahi. (Lk. 2:14) Mipite chuh chamna hawl in mun chuom chuom ah a chieh ua, thil chichuom chuom in a kithawi ua, a chateu nasan in akithawi ui, bang ziekin lungmuonna leh chamna a muh dawk theihna ding uh ahi. Amin thang maithei ui, ahausau in akinawp tal uh ahi mai thei, himahleh, chamna diktak chuh amu diek puou hi. Krista a Pathien diktak chuh amuh dawk loh uchun chamna diktak chuh mulo ding ahiu hi," Zieziek chun, taksanna zieka thiem chang I hih tak ziekun, I Lalpau Isu Krista vang in Pathien

sak ahih bang in buoina tampi kal ah lawhting taka siemdawk ana hi a, Dt. 24th October zingkal in Rev. K. Siemlien in Souvenir YAPHRI hawnna a nei hi. Zie souvenir min ding chun a gam mite pau ‘YAPHRI’ tih phuok ahi a, a umzie chu “Foot Prints” “kengnung” tihna ahi. Tri-pura gamthim ah Pathien in ESC sapchuohte a namat a, Pathien leng-gam tundawk ahih tak zieka, Pathien sapchuohte keng/khawnung tih etsakna ahi. Atawp zan in khanglaite thu leh la a kipawlkhawmna neih ahia, atawp in khanglaite chauh le hi talo in, nulepate le lamkawm in Pathien pakcha khawmin zan sawt lam le helo in, khawmpi hun haw-

mthawh tak mai a mat ana hi. A tawpin mipi cheng khut kitutuoh chiet in Rev. Letthang in khawmpi khakna a nei hi.

Thutawpna leh kipahthu genna- Tuchunga khawmpi lawhting taka kimat theihna zieh hih sapchuohte pauchamna zieh leh pan-pihna zieh chauh ahi. Sapchuohte’n hun sawttak apatin ei na pauchampih ua. Chun na kawm ua sumlepai panpihna ka hun ngetnateu kiphal tak mai a nei hun piek zieh ua khawmpi lawhting ahi. Sapchuohte sumlepai leh pauchamna ei hun panpihte chengcheng Lalpa’n hun vangsak ta hen.

KUM ZASAGIHI MASANG IN

(Seven hundred years ago)



Evan. Paukhomang Gangte,
Secretary KKP

Thingtang lam ah Kristmas program siem in kana pang sek hi. Thugen tu ding leh a topic ding uh gun tak a ngaihtuoh ahi sek hi. A tangpin, tun kim za’n leh “HILHLAWKNA THU”, Kristmas nipi zing leh “A PIENNA”, aban a Aigupta lama ataihpah na thu leh, Kristmas imat beh zel chun Baptistma achan thu leh ahinkhuo aban zawm in a kigen tou tou sek hi. Thugen in chuh ka pang thei nai deuh puo a, hinla Upate chun hilhlawkna thu hi haksa asa deuh sek uh abang hi. Isu hi ahung pien masang kum zatam apat apien na mun ding, amin ding, apien hun a thil suok ding leh, a khankhuo thusim ding cheng aki gen bangtaka ahung guitun zieng hi’n Pathien guot lawk “CHAPA PIEK TIEM” khawvel hukdampa ding leh Ho tak ahih na asulang hi. Chuleh ana gen lawk thiemgau te hawle thiemgau dik Pathien thu phuong dawk te ahih nau a sulang hi.

Khawvel ahin mi thupi tak tak leh galhang Greekte Alexander the great, Germante Adopt Hitler lawi leh French galhang Nepolean lawi. Khawvel pumpi tawhpah guo zing himahleu apien ding thuu, gen lawk ana hi puoi, sakhawlam ah Islamism te Prophet Mohammed lawi; Buddhism te Gautam Budha leh Joseph Smith (*Marmonte*) pien ding thu gen lawk ana hipuoi. Abraham apat khang 28 tieng a David suon a hung pieng Isu hi lawp tak ahi na mai zen e!! Kum 700 masanga apien ding thu ana kigen lawk sa Isu chuh:-

1. **Bible in Abraham khanggui a hung pieng din agen hi:**
 - a) Abraham apat (*Namtin vangsak tu ding*) : Gen. 12:3
 - b) Isaak apat (*Namtin vangsak tu ding*) : Gen. 26:4
 - c) Jacob apat (*Namtin vangsak tu ding*) : Gen. 28:14
 - d) Judah apat (*Namtin vangsak tu ding*) : Gen. 49:10
 - e) Jesseh apat (*Obed, Jessai, David*) : Ruth 4:17-22
 - f) David apat (*Lal chutphah luoh ding*) : Isa. 9:7
2. **A hung pien ding kigen lawk dan:**

a) *Apien na mun ding* : Micah 5:2 ah Bethlehem hiding ahi tih kum 700 masang a kigen chuh Matt. 2:6 ah agui tung hi.

b) *Apien tieng kah thawm* : Bethlehem ah kah na thupi um ding kum 700 masanga Jeremiah thiemgau in agen khah (Jer. 31:15) tichun Matt. 2:18 ah agui tung hi.

c) *Thilpiek thu ah* : A hung pien tieng suohlam mi ching te'n thilpiek ahung piek ding uh Isai in kum 700 masanga ana gen hi (Isa. 30:6 ; Ps. 72:10) *Matthai 2:1* ah agui tung hi.

d) *A min ding* : Bethlehem a hung pieng Isu hi vansawlchak ngei in amin ahung sak sa ahi (Matt. 1:21). In sak, In thang Tu leh beh tawh kisa min ahi poui.

e) *Aigupta a taihpih ding* : A hung pien tieng anu leh pan Aigupta a ataih pih ding uh thiemgau ten ana gen uchuh (Hos. 11:1) atak in *Matthai 2:15* ah atung kim hi.

3. A hinkhuo a thil tung ding haw:

a) Thiemgau Zedhariah hin Jerusalem a lopi taka alut ding ana gen hi (Zech. 9:9). Atak in *Matthai 21:6-11* ah atung kim hi.

b) A ginchak pen pa amatsak tu a apan ding genlawk in ana um hi (Ps. 41:9). Zie chuh *Matthai*

26:14-15 ah abukim tai.

c) Dangka 30 a khawt ding thu: Zechariah 11:12 ah dangka 30 a khawt ahih ding gen in aum a, Juda'n asu gui tung ngal hi (Matt. 26:15).

d) Zie dangka 30 hi bang ti mat ding ahim tih le akigen bangtak in. Beldeng pa gam Cemetery ding a chawk in aum hi. (Zech. 11:13; Matt. 27:5-8) A chanchin gen lawk thiemgau te hin apien mu malam vang leu bang tieng in akipak ta ding um!! Zie lai a thu kigen ana tiemteh zing Jerusalem a cheng Simeon thiempu chun amit tak a amuh chun hiti hin agen hi.

Lalpa tuhin na thuguol zel in Na suok hi lungmuong tak in Chieh sak ding na hi'a, na hukdamna,

Mitin muh a na siem khah, kamit tak in amu ta a,

Jentel te salhvak ding 'Vak' leh na mi Israelte

lopi na ding chuh atia (Lk. 2:28-32).

Khawvel hukdam dinga hung pieng pa "A mit taka" mu a, Ahukdam na changte ding in tukum Kristmas chuh athupi na lawm lawm ding e. 2015 Kristmas mang cheng cheng Lalpa'n vangsak chiet ta hen. Kristmas Chibai.

The 10th Annual Conference Report

Evangelical Synod Church, Tripura Mission Field

Headmaster Kamthang

Report piethei dinga damna ei pietu Pa Pathien chuh pahchak in um hen. Tripura Mission Field a sapchuomte'n kum cheng leh ana mat sek uh, Annual Conference asawmvei titna chuh achiehsa October 23rd apat 25th 2015 sung in Synod Foundation School campus, Lefunga muna mat ana hi.

Tunkimni'n khuokieng khuokim vel a sapchuomte ahungtung khawm sausau ua. Agamla deuhte chu Skul campus a gieklut in, a nai deuhte chu kilehthawh in, chuleh, khawmpi sung cheng hi common Mess a bawl ahi. Tunkim zanin khawmpi hawna dingin mipi chengcheng hall mai ah sawm (10) lim a din kuol ahi a, Field superintendent Rev. Letthang Gangte'n meivak detna a nei a. Zie meivak ngei chuh Pastorte, missionaryte, Evangeliste leh sapchuom a chairmante chengin mipite a piesawn ua, chun mipite chengcheng in a meivak (gospel vak) chiet uh a dawmsang ua, Pathien kawmah kipah thugen pauchamna, Pr. Lienkhotinmang in a nei hi. Crackers sawm vanlam a kikhawhto velvel chi haw halna neih ahia, Pathien min lopi sap ahia, zezawhchun, mipite hall sunga lut ahi. Khawmpi hawna Field Superintendent Rev. LetthangGangte'n a nei hi. Tunkim zan in local sapchuom tinin

annual report apie chiet ui. Main speaker, Rev. Dr. Kh. Khaizakham in tukum thupi "Khristo Jisu Uansuk mahaino Norokbo Uanswkthai klai o" (Philipi 2:5) mang in chanchinpha ngainawp um tak mai ei gensak hi. Thugentu Pathien in a manga, ngaithate lungthim asukhai tih het ahi. Chun Rev. K. Siemlien Director Mission & Evangelism Board in sapchuomte greeting a bawl a, chun Dt.25th Pathienni sunlam dak 1:30- 4:00PM sungin Seminar papers- Christian Leadership leh Evangelism thupi mangin seminar nuomtack mai ei laksak hi. Chun Evan.L.L. Muona'n khawmpi hun sung chengcheng Pathien pahchakna la sakna a nei hi, mipite'n le a lathu hekim kimahleu a ngainuom thei mahmah ui. Neklechak a mawhpuo dingin Finance committee guotchuom ahia, feltak mai in kum dang cheng sanga hawihzaw'n ei bawlsak ua, kipak aum takzet hi.

Souvenir siemding tih pha-

kilak lai in Israel mipite leh Mosie ngei, nasatak a lau in a kithing ui. Elijah kuokhuk sunga akisel lai in inlingte, huihpite, mei kuongte hung kilakmasan lauh um na a hung masaa, anung in Pathien awgit chu a hung gii. Pathien in Israelte camp aveh tak leh inling aum hi. Isu sinsakte kawm a akilak lai in thadam kha asau a alau ui. Isu'n kei kahi lau kiu tin a hopih hi, belam pute le, vansawlchak avakilak lai a, akimvel uh, a hung vak phut lai in, nasatak in a lau ua, mahleh zie chuh hukdampa ahung piengtai tih chanchinpha hung phuong tute ahiu hi.

A chung a Isu pienna ding tawh kisai a hung kigente – Zakaria, Joseph, Mari leh Belampute hin amau mimal chiet in lauhna ziek anei chiet ui. Midang dangte – Mosie, Elijah leh Isu sinsakte cheng inle lauhna ziek chuom chiet nei in au. Nangle kei in le pienthak ding thu ah lauh

na inei ngei ding uh ahi. A chung a haksatna leh lauhna hi thagau lam tawh kisai ahia, a dawnnau chuh kipak um ngen ahi. Isu , Pathien leh Thagau thiengtho in na asep tak leh, asep na teu chungah lauh na aum masa sek hi. Pathien hileh Krista hitaleh ei u ding in natna, thihna leh lawhsapnan ahung kilak masa thei a mahleh aban ah zan chuh sun hung chang sek ahi. Penticost ni a hung tun khan Thagau ahung tun man huih hattak thawm lauh umtak kha Thagau thiengtho in gingtute chenchilh ding leh sapchuom chenchilh ding a hung ahi zaw ta ahi. Tu a imasang a I hu-gin mahmah uh ithu buoi uhinla Lalpa'n thupha zaw agen guot hi ding ahi a I bawn u kawm ah Krismas thuchah 'LAU KIU IN' tih agen guotna ahi.

KRISMAS CHIBAI

CHAMNA AW PHUNGVUK TU KIBEHLAP

Pi Felli w/o Pu Lamsong Chiengkawnpang in Rs. 3000/- ahun pie a, Diamond member in ahungpang hi. Kuole apie nuom apanpih nuom i um uchun Lalpa nasepna bakkhat ahih ziekin nasataka kipahpih ahi.

Chuleh Lalpa vangsakna le chanbeh ngei ding na hi.
Hung panginla, Chamna Aw anasim zelinla, Lalpa vangsak na changzel in!

**Kristmas thuchah masapen
"LAU KIN"**

- Rev.S. Gangte, HQ. Veng

Isu pienna chanchin hi Gospel Matthai zik leh Luke ahin aki mui. Gospel dang nih te Mark leh Johan a hin a nasepna lam ngen agen hi. Isu nausen a apienna thusim hi van sawlchak in Isu pienna ding thu milite – Zakaria thiempu, nungak Mari, Joseph leh Belam pute kawma a hun phuondawk apat kha hung kipan ahi tai. Zie thuphuon khan umzie anei mah mah hi, aziek chuh Thuthunglui a Pathien aw kihe, tawp ta kha, zie kum 400 ving veng sung miten Pathien awle ahe ta puou hi. Pathien in manglam hitaleh/ zel inle kiphuonna bang mah um talo ahi. Zie kum 400 sunga Pathien in kilakna hileh manglam hileh akilak tak loh sung chun Apocrypha leh a ziktu umlo in tampi lehkhabu kizik ahung pawt a, mahleh sapchuom masa lam a lawi upa te'n apawm puou hi. Khutia hunthip kum sung chuh vansawlchak Gabriel chun a hun break (*Sukhanglo*) a masapen in thiempu Zakaria kawm ah Baptistu Johan pienna ding thu a hun gen ta ahi. Pathien aw masapen chun '*Lau kin*' tih ahi. Bible thiemte'n laukin tih hi mun 366 lam hiela um in agen ui, nicheng a mat khawp a phai.

I. ZAKARIA kawm ah – aw het ahih hin um zie a nei mah "LAU KIN" (*Lk.1:13*) "Lau kin na mah hi. Pathien in mi a hopihna pauchamna chuh ngaihthak ahi hi Ho-In sung ngei leh ho nasepna tai, nazi chun chapa hing ding ahi. lam a Pastor/Upa/Deacon te aw A kigen dan in Zakaria thiempu hi masa ahih ding him uh ahih a hun a khan sakhuo lam leh Pathien sulang hi. hona kha a sietlai tak ahi a, Temple khah, athanhuoi lai tak ahi aki tii. Thiempu khale nekduk chak guk thua aki hah gen lai tak uh ahi akitii. Khutitak a aum lai in, thiempu hawh malam in, Pathien hona temple sung ngei ah, Pathien

Zakaria kawm a thu hung masapen hi Juda te a dinga kum 400 hun thip sunga aw a zak masak nau a hia, thu ngaih nawp um tak leh Judate phawng halh tu ahi. Zakaria hin, thiempu khat in a hinkhuou a

khatvei khel zie dinmun awhchak um tak chuh achan hun tak ahi. Thiempu tam tak ahin khuou a a chan phak loh uh chan vang pha chuh ahi. Zie chanpha achan hun u chuleh paucham hun lai tak a Pathien aw aheth hin, ei ule Pathien ho in a amah isaplai un Pathien aw hengei hi tiu tih le ei muhsak hi.

Zakaria chun chapa aneih phet in amah min alawh sak guoa, mahleh Pathien sakzaw Johan chuh apawmpih tai. Eimah lopina dinga chale naute I guonggalh lai in, Pathien a lopi puoa, Pathien lopina ding a chale naute ipiek thak leh Pathien in a deih bang in amangthei zaw a, ei a din le apha zawi. Zakaria'n achapa chuh Nazarite hinkhuo a hing ding in apie dawka, zu le teplo ding in Pathien a dinga kipie thiengtho in aum tai. Zie tawbang a kipie te chuh - Johan (*Baptist*), Samson leh Samuel ahiu hi. eihawn ichate ipie ngam ding u? Nungak tangval nahih lai in Lalpa adin nakipie thiengtho ngam ding u?

II. JOSEPH Kawmah – “LAUKIN” (*Matt. 1:20*) “Joseph, nang David chapa, nazi Mari chuh kichenpih LAUKIN, anau vawp chuh Thagau thiengtho apat ahi”.

Zakaria chuh a cha neihloh na chung a paucham lai a, Pathien dawnna thu ahi. Tu hin Joseph

buoina thuk tak chung a laulo ding a thamuonna ahi. Judate dan in nungak leh tangval kicheng dingte chuh kum khat ving veng kihuol na hun ahi. Zie hun ahin taksa kichenna um kimah leh thildang cheng a chu nupan tawh kibang hel hel a hui. Zie sunga chuh apasal anathita bang leh anumei nu chun nungak thieng meithai (*Virgin widow*) kiti ahi. Mari chuh anau vawp sak tu la kuoman helo, Joseph la midik tak ahih zie in a gukcha a kikhen pih ding atih lai tak a vansawlchak apat a thamuonna aw hung tung ahi. Mihiem apat a nauvawp hilo in Thagau thiengho nasep ahih a het in Joseph kha atha amuong a lau thawng lo in aum tai.

Nungak/tangval tenle Pathien kawma I kawppih ding I nget ua amah zai ingak uchun a dawnna kichien tak muding ihui hi. mipi ngaihdan chuom chuom lakah Pathien aw, aw ngatcha chuh I ngakdawk guot ding uh ahi. Kristien tangvalte hawn le Pathien kihcha mi nungak chuh Pathien limsak leh deihsak ahi ngei hi tih na het chet chun a thu dang cheng chuh Pathien mawhpuk ahi tai.

III. MARY Kawmah: ‘LAUKIN’ (*Lk.1:30*) Mari dinmun hi tulai a eihaw lak a nungak te pasal khat in kichenpih ding a akihuol utawh aki bang puoi. Judate dan in kihuol

sung hi kumkhat ahia, adan ua chuh anumei chuh anu apa kawmah kum khat sung um nalai intin, apasal tawh taksa a kisukha nailo ding ahui. Ahin thildang cheng chuh nupan bang tak aum ahi. A pasal ding chuh zie sung a chuh a thih chun meithai hi mai ahi. Zie hun sunga chuh anumei pasal dang tawh akisuk khakna bang aum chun akichengsa tawbang tho a pasal in amak theih ahi. Zie dinmun chet a chuh Mari aum a Joseph in aguka amak guot lai taka Pathien aw azak chun atha amuong ta a, ahaksatna a bei tai.

Pathien hemi leh laumi nungak nahih chun, Pathien hemi nungakte hin pasal pha deuh kimu puon a tin lung linglau kiu in, Pasal lawh tam deuh muh kinep loh zie in Theological College a chieh ngamlo bang nungak khenkhat aum thei ui; Pastor, Bible zilte hih ilak ua Officerte sang in lawh niem zaw dinga I ngaih zie un, nahisap ding dan chuh, Pathien deih sakna, Pathien lemsak ahih leh ahih loh chuh a chet ding ahi zawi. Lamkhat a chun nu le pa deihsak chuh nang deihsak chauh sangin a det dou zaw a, zie sang mah chun le Pathien deihsak ahih phawt chun bangmah lungkhamna ding aum puoi.

IV. BELAMPUTE Kawmah: ah: “LAUKIN” (*Lk.2:10*) Belampute hi

mi hawn khat akhuomi hausa deuh deuh ten a belam uh ching ding a aguoih teu ahi. Panmun niem tak ahi, aziek chuh Judate Sabath leh nipite le chang theilo a gamlaka belam giekipih sek ahih zie uh ahi. Zie lochun a belamteu a mang a um leh, amau hinna tawh kihen ahi.

Amah vang zie a vansawlchak ten chanchinpha ava tut nateu hi, temple a kithawih na ding, vaktute hi ding a ginchak ahui. Amau nasepna ahin, en un Pathien belamno khawvel gitloh lamang ding pa khuh' tih ei geldawk sak ua, ngaih san aum mah mah ui. Belampute awhchak aum nau dang khat chuh khawvel hukdampa hung pien thu hilh masak pen ahih uhi ahi. Chanchinpha tun masak napen chu, miten nasep laka a muhsitpen te kawm ahi. Miten Nazareth ah thilpha apawt ngei puoi atih uh ahi. Isu nu le pa le dinmun awhchak um lak atel phalo ahui. Himahleh mi a khelhnau chuh Messiah hung pien ding leh ahaksatnau cheng Messiah hung tak leh bei ina tia kinem mah mah a ngakte ahui hi. Isu hung pienna ding ahin milien milalte ahim, thiempu liente hawhmalam ding a, mitam tak in a ginchak lai un, dinmun niem, michapolo, tel in aum zaw tai.

LAUHNA hi Pathien kilakna taphawt ah a hung masai. Sinai tangah Mosie kawm a Pathien a